

Tuarascáil na Stiúrthóirí

Tá áthas ar na stiúrthóirí an tríú tuarascáil bhliantúil is fiche trúir gcuid, chomh maith le ráitis airgeadais iniúchta an Ghrúpa don bhliain dar chríoch 31 Nollaig, 2006 a thíolacadh, agus a n-oibleagáidí faoi Achtanna na gCuideachtaí, 1963 go 2006, á gcomhlíonadh acu.

1. An Grúpa agus a Phríomhghníomhaíochtaí

Feidhmíonn an Chuideachta an tseirbhís náisiúnta poist agus seirbhísí tarchuir airgid agus soláthraíonn sí seirbhísí gníomhaireachta do Ranna Rialtais, do Ghníomhaireacht Bainistíochta an Chisteáin Náisiúnta, do Chuideachta Chrannchur Náisiúnta An Post agus comhlachtaí eile.

Tá gnáthscair amháin i seilbh an Aire Airgeadais agus tá fuíoll an scairchaipitil eisithe i seilbh an Aire Cumarsáide, Mara agus Acmhainní Nádúrtha.

Tugtar sonraí na ngníomhaíochtaí a dhéanann foghnóthais, fhiontair chomhlachaithe agus chomhfhiontair chomh maith leis an bhfaisnéis riachtanach faoi Alt 158 d'Acht na gCuideachtaí, 1963 i nóta 24 ar na ráitis airgeadais.

2. Torthaí

Tá sonraí maidir le torthaí na bliana leagtha amach sa chuntas brabúis agus cailteanais comhdhlúite ar leathanach 50 agus sna nótaí a bhaineann leo, ar na ráitis airgeadais. Ní mholann na stiúrthóirí go n-íocfaí díbhinn don bhliain.

3. Athbhreithniú Gnó

Tá an fhaisnéis a cheanglaíonn Rialachán 37 de Rialacháin (Cuideachtaí: Grúpchuntais) na gComhphobal Eorpach, 1992, san áireamh san fhaisnéis a thugtar ar leathanaigh 8 go 25.

Mar a léirítear ann, bhí feidhmiú an Ghrúpa agus na Cuideachta sásúil sa bhliain reatha le brabús oibriúcháin roimh mhíreanna eisceachtúla de €14.7m. €75.7m an brabús don bhliain airgeadais agus áirítear leis sin brabús eisceachtúil ar dhiúscairt shócmhainní de €94.7m, agus muirear eisceachtúil de €20.0m i ndáil le dámhachtainí pá aibhreathnaitheacha a íoc, agus €13.9m chun chomhfhiontar seirbhísí airgeadais a bhunú le Fortis Bank. Tá tuilleadh faisnéise maidir leis na míreanna eisceachtúla sin tugtha i nóta 4 ar na ráitis airgeadais. €118.1m a bhí sna gnóthachain achtúireacha ar phleananna iar-fhostaíochta agus bhí gnóthachan aitheanta iomlán de €193.8m mar thoradh air sin. Glan-sócmhainní an Ghrúpa amhail an 31 Nollaig 2006 ná €125.3m i gcomparáid le glan-dlíteanais de €68.5m amhail an 31 Nollaig 2005. Áirítear leis sin dlíteanas pinsin de €193.2m (2005 : €307.8m), féach nóta 18 chun tuilleadh sonraí a fháil.

Maidir le monatóireacht a dhéanamh ar fheidhmíocht, tá aird ag na stiúrhóirí agus ag an mbainistíocht ar raon príomhtháscairí feidhmíochta (KPIanna), lena n-áirítear iad seo a leanas:

KPI	Feidhmíocht i 2006	Feidhmíocht i 2005
Airgeadas – torthaí comhdhlúite		
Brabús oibriúcháin roimh mhíreanna eisceachtúla mar chéatadán den láimhdeachas	1.8%	2.2%
Costais foirne agus máistrí poist roimh mhíreanna eisceachtúla mar chéatadán den láimhdeachas	68.2%	68.3%
Costais oibriúcháin eile mar chéatadán den láimhdeachas	30.0%	29.5%
Glan-Insreabhadh airgid ó ghníomhaíochtaí oibriúcháin	€37.1m	€40.9m
Foireann		
Foireann An Post – Comhionann Lánaimseartha – ag deireadh na bliana	8,868	8,966
Foireann ócáideach – Comhionann Lánaimseartha	423	377
Uaire ragobair – Comhionann Lánaimseartha	2,006	1,953
Iomlán – Comhionann Lánaimseartha	11,297	11,296
Gnó Poist		
Innéacs príomhioncaim ó litreacha	4.2%	4.0%
Cáilíocht na seirbhíse (náisiúnta) - Piosa Poist tosaíochta aonair a sheachadadh an lá dar gcionn, Ráithe 3*	74%	74%
Gnó Miondiola		
Idirbhearta leasa shóisialaigh	36.6m	37.7m
Idirbhearta Íocaíochta Billí	25.5m	24.8m
Díolacháin ar Cheadúnais Teilifíse (mílte)	1,339k	1,273k
Táirgí Infheistíochta – glan insreabhadh ciste	€143.0m	€173.0m
Banc Taisce An Phoist (SSIA san áireamh) – glan insreabhadh ciste	€43.0m	€172.7m
Buirgléireachtaí agus Robálacha – an líon imeachtaí	103	192
Seirbhís do Chustaiméirí		
Gearáin i scríbhinn	33,811	36,478
Fiosrúcháin ar an teileafón (gnáth agus gearáin)	315,642	276,464

*Figiúirí de réir ComReg Monitor. Níl figiúirí iomlána don bhliain 2006 ar fáil fós, (2005: 73%).

Tuarascáil na Stiúrthóirí ar leanúint

De réir an cheanglais anailís a dhéanamh ar na príomhrioscaí agus na neamhchinnteachtaí atá roimh fhorbairt an Ghrúpa agus na Cuideachta sa todhchaí, aithníodh na nithe seo a leanas:

- bagairtí iomaíocha ar ioncaim ó phost;
- teip i ndáil leis na Cláir Athraithe a chur i bhfeidhm go hiomlán;
- an tionchar a bhíonn ag ardleibhéal neamhláithreachais ar an ngnó;
- teip i ndáil le caighdeán na spriocanna seirbhíse a bhaint amach agus a chothabháil;
- an poitéinseal seirbhísí gníomhaireachta suntasacha a chailleadh;
- ionadaíocht leictreonach ar an bpost;
- na socruithe maidir le rochtain iarmhartach ar sheirbhísí poist;
- teip i ndáil le saincheistanna caidrimh thionsclaíoch a réiteach;
- chomh maith is ar éirigh le Straitéis Seirbhísí Airgeadais an Post.

Rinne na stiúrthóirí anailís ar na rioscaí sin agus ar rioscaí eile agus tá cláir oiriúnacha ar bun chun na rioscaí sin a bhainistiú agus a rialú. Leagann an Ráiteas Rialachais Chorparáidigh ar leathanaigh 32 go dtí 39 amach na beartais agus an cur chuige maidir le rioscaí agus na nósanna imeachta agus freagrachtaí rialaithe inmheánacha a bhaineann leo.

4. Stiúrthóirí, an Rúnaí agus a Leasanna

Tharla na hathruithe seo a leanas i gcomhdhéanamh an Bhoird ó dháta thuarascáil bhliantúil deiridh na stiúrthóirí:

Ceapadh Ciara Hurley Uasal an 3 Aibreáin, 2006.
 Ceapadh an tUasal Brian McConnell an 3 Aibreáin, 2006.
 Scoir an tUasal Donal Curtin an 13 Iúil, 2006
 Ceapadh an tUasal Donal Connell an 14 Lúnasa, 2006
 Scoir an tUasal Alan Sloane an 31 Nollaig, 2006, agus athcheapadh é an 1 Eanáir 2007.

Ní raibh leas ar bith i scaireanna nó bintiúir na Cuideachta nó i scaireanna nó bintiúir aon Ghrúpchuideachta ag na stiúrthóirí agus ag an rúnaí a bhí in oifig an 31 Nollaig, 2006.

5. Fostaithe

Is fostóirí comhdheiseanna é an Grúpa. Breithnítear gach iarratas ar fhostaíocht go hiomlán agus go cóir, le haird chúil á tabhairt ar infheidhmeacht agus ar chumas an duine, agus riachtanais an phoist a bhíonn i gceist. Caitear le gach duine ar chomhthéarmaí maidir le hoiliúint, forbairt gairme agus ardú céime.

Tá an Grúpa tiomanta do na caighdeáin is airde de chleachtais sábháilteachta agus sláinte chun riachtanais an Achta um Shábháilteacht, Sláinte agus Leas ag an Obair, 2005, agus riachtanais amach anseo, a chomhlíonadh. Comhordaíonn bainisteoir sábháilteachta agus sláinte na beartais atá leagtha amach i Ráiteas Sábháilteachta an Ghrúpa, atá deartha chun áit oibre agus córas oibre sábháilte a chinntiú d'fhostaithe ar fad an Ghrúpa.

6. An t-Acht Um Íoc Pras Cuntas

Is é beartas An Post riachtanais reachtaíocht chuí maidir le híoc pras cuntas a chomhlíonadh. Is iad gnáththearmaí an Ghrúpa maidir le creidmheas a ghlacadh ná 30 lá, mura sonraítear a mhalairt i socrúithe sonracha conartha. Tá rialuithe airgeadais inmheánacha cuí ann, lena n-áirítear róil agus freagrachtaí atá sainmhínithe go soiléir agus tuairisciú mhíosúil agus athbhreithniú ar chleachtais íocaíochta. Ní thugann na nósanna imeachta sin ach dearbhú réasúnta agus ní dearbhú iomlán, in aghaidh neamhchomhlíonadh ábhartha na rialachán.

7. Taifid Chuntasaíochta

Trí fhoireann chuntasaíochta le saineolas cuí a fhostú agus trí acmhainní dóthanacha a sholáthar don fheidhm airgeadais, creideann na stiúrthóirí gur chomhlíon siad riachtanais Alt 202 d'Acht na gCuideachtaí, 1990 maidir le leabhair chuntais. Coinnítear leabhair chuntais na Cuideachta ag áitreabh na Cuideachta ag Ard-Oifig an Phoist, Sráid Uí Chonaill, Baile Átha Cliath 1.

8. Iniúcháirí

De réir Alt 160 (2) d'Acht na gCuideachtaí, 1963 leanfaidh na hiniúcháirí, KPMG, Cuntasóirí Cairte, de bheith in oifig.

Thar ceann an Bhoird

Margaret McGinley

Cathaoirleach

Donal Connell

Stiúrthóir

22 Márta, 2007

Rialachas Corparáideach

Leanann cothabháil ardchaighdeáin de rialachas corparáideach de bheith mar thosaíocht do stiúrthóirí An Post. Agus an beartas rialachais chorparáidigh á fhorbairt, bhí sé i gceist ag an mBord éifeacht a thabhairt do Chód Cleachtais do Rialachas Comhlachtaí Stáit, arna eisiúint ag an Roinn Airgeadais, agus do na príomhphrionsabail agus do na prionsabail thacaíochta dea-rialachais iomchuí a léirítear sa Chomhchód 2003 arna eisiúint ag Comhairle Tuairiscithe Airgeadais na Ríochta Aontaithe. Cé nach bhfuil baint dhíreach ag forálacha an Chomhchóid ach le cuideachtaí liostaithe, creideann an Bord go gcuidíonn a bhfeidhmiú, nuair is féidir, le An Post an dea-chleachtas rialachais chorparáidigh a chomhlíonadh.

Tá na stiúrthóirí freagrach do na scairshealbhóirí as dea-rialachas corparáideach agus tugann an tuarascáil seo aghaidh ar an tslí a bhfuil an Cód Dea-Chleachtais do Rialachas Comhlachtaí Stáit agus príomhphrionsabail agus prionsabail thacaíochta cuí an Chomhchóid 2003 á bhfeidhmiú laistigh de An Post.

An Bord

Is é an Bord stiúrthóirí a rialaíonn an Grúpa. Is iad príomhróil an Bhoird oibriú an Ghrúpa a mhaoirsiú, ceannasaíocht a sholáthar don Ghrúpa, cuspóirí straitéiseacha an Ghrúpa a cheadú agus a chinntiú go mbeidh na hacmhainní riachtanacha airgeadais agus eile ar fáil dóibh chun a chur ar a gcumas na cuspóirí sin a chomhlíonadh. Bíonn cruinnithe ar bhonn míosúil ag an mBord agus fágtar cinntí maidir le hábhair áirithe, go sonrach, faoin mBord.

Áirítear ar na freagrachtaí sonracha a fhágtar faoin mBord: straitéis an Ghrúpa a shocrú agus buiséad bliantúil agus teilgin mheántearma a cheadú; feidhmíocht oibriúcháin agus feidhmíocht airgeadais a athbhreithniú; mórchaiteachas caipitil a cheadú; córais rialaithe airgeadais agus bainistithe rioscaí an Ghrúpa a athbhreithniú; a chinntiú go bhfuil pleananna forbartha bainistíochta agus pleananna comharbais cuí ann; feidhmíocht chomhshaoil, shláinte agus shábháilteachta an Ghrúpa a athbhreithniú; agus a chinntiú go mbeidh idirphlé sásúil á dhéanamh leis na scairshealbhóirí.

Tá na freagrachtaí seo a leanas tarmlichte ag an mBord chuig an mbainistíocht: pleananna straitéiseacha le haghaidh breithniú an Bhoird, a léiríonn cuspóirí agus tosaíochtaí níos fadtéarmaí arna mbunú ag an mBord a fhorbairt agus a mholadh; straitéisí agus beartais an Ghrúpa, arna gcinneadh ag an mBord, a fheidhmiú; monatóireacht a dhéanamh ar thorthaí oibriúcháin agus airgeadais in aghaidh pleananna agus buiséid; tosaíocht a thabhairt do leithdháileadh acmhainní teicniúla agus acmhainní daonna; agus córais bhainistithe rioscaí a fhorbairt agus a fheidhmiú.

Ról an Cathaoirligh agus an Phríomhfheidhmeannaigh

Is í an Cathaoirleach a stiúran an Bord lena straitéis a chinneadh agus lena cuspóirí a bhaint amach. Tá an Cathaoirleach freagrach as gnó an Bhoird a eagrú, éifeachtacht an Bhoird a chinntiú agus clár oibre an Bhoird a leagan amach. Éascaíonn an Cathaoirleach obair éifeachtach gach stiúrthóra agus caidreamh úsáideach idir an stiúrthóir feidhmeannach agus na stiúrthóirí eile, cinntíonn go bhfaigheann stiúrthóirí faisnéis chruinn, thráthúil, agus shoiléir agus bainistíonn sí cumarsáid éifeachtach le scairshealbhóirí.

Tá an Príomhfheidhmeannach i gceannas an Ghrúpa go díreach, ar bhonn lá go lá, agus tá sé freagrach as feidhmíocht airgeadais agus oibriúcháin an Ghrúpa.

An Stiúrthóir Neamhspleách Sinsearach

Bhreithnigh an Bord an cheist maidir le comhalta dá gcuid, sa bhreis ar an gCathaoirleach a ainmniú ina Stiúrthóir Neamhspleách Sinsearach, ach creideann an Bord i gcónaí, nach bhfuil an moladh seo de chuid an Chomhchóid infheidhme i bhfianaise struchtúr dlíthiúil An Post.

Stiúrthóirí agus Neamhspleáchas na Stiúrthóirí

Is é an tAire Cumarsáide, Mara agus Acmhainní Nádúrtha a cheapann gach stiúrthóir don Bhord agus leagtar amach na coinníollacha a bhainfidh lena gceapacháin agus a dtáillí i scríbhinn. Déantar fostaithe a thoghadh mar stiúrthóirí de réir na nAchtanna um Páirteachas Lucht Oibre (Fiontair Stáit) 1977 go dtí 1993 ar feadh téarma ceithre bliana. Déantar máistir poist a thoghadh mar stiúrthóir de réir Alt 81 den Acht Seirbhísí Poist agus Teileachumarsáide, 1983 ar feadh téarma trí bliana. Ceapfar na stiúrthóirí eile ar fad ar feadh téarma buan, téarma cúig bliana de ghnáth.

I láthair na huaire tá an Bord comhdhéanta de chúig stiúrthóir déag viz: an Príomhfheidhmeannach, cúigear stiúrthóirí atá ina bhfostaithe, stiúrthóir amháin atá ina mháistir poist agus ochtar stiúrthóirí nach feidhmeannaigh iad. Tá ainmneacha na stiúrthóirí chomh maith lena sonraí beathaisnéiseacha leagtha amach ar leathanaigh 4 agus 5. Ní ag an duine céanna atá post an Chathoirligh agus post an Phríomhfheidhmeannaigh. Mar gheall ar a stádas mar Chuideachta faoi úinéireacht iomlán an Stáit agus freagracht a príomhscairshealbhóra ó thaobh ceapadh stiúrthóirí, creideann an Bord nach bhfuil na critéir a bhíonn in úsáid le neamhspleáchas stiúrthóirí cuideachta atá liostaithe a bhreithniú oiriúnach d'ímthosca An Post. Mar sin, níl meastóireacht déanta ag an mBord ar neamhspleáchas na stiúrthóirí in aghaidh na gcritéar ata leagtha amach i gComhchód 2003.

Éilíonn an Comhchód 2003 ar an gCathaoirleach cruinnithe a thionól leis na stiúrthóirí neamhfheidhmiúcháin gan an stiúrthóir feidhmiúcháin a bheith i láthair. Tá nósanna imeachta curtha ar bun ag an mBord ina mbeidh cruinnithe aige gan an Príomhfheidhmeannach a bheith i láthair.

Tá sé de cheart ag na Stiúrthóirí a chinntiú go ndéantar taifead ar aon ábhar ímní a bheadh acu maidir le feidhmiú an Ghrúpa, nach féidir a réiteach, i miontuairiscí an Bhoird. Má bhíonn aon ábhar ímní den sórt sin acu, féadfaidh siad, agus iad ag éirí as a bpost, ráiteas i scríbhinn a sholáthar don Chathaoirleach, le scaipeadh ar an mBord.

Beidh rochtain ar chomhairle ghairmiúil neamhspleách ag na stiúrthóirí, nuair a mheasfaidh na stiúrthóirí go bhfuil sin riachtanach chun a bhfreagrachtaí mar stiúrthóirí a chomhlíonadh agus íocfaidh an Grúpa as.

Forbairt ghairmiúil

Nuair a cheapfar stiúrthóirí nua, beidh orthu a bheith páirteach i gclár insealbhairthe nuair a gheobhaidh siad faisnéis faoin nGrúpa, faoi ról an Bhoird agus na hábhair a fhágtar faoin mBord le cinneadh, faoi théarmaí tagartha agus comhaltas an phríomh-Bhoird agus Coistí an Bhoird, faoi chleachtais agus nósanna imeachta rialachais chorparáidigh an Ghrúpa, lena n-áirítear na freagrachtaí a tharmligtear chuig bainistíocht shinsearach an Ghrúpa, agus an fhaisnéis airgeadais is déanaí maidir leis an nGrúpa. De ghnáth tacóidh cruinnithe le feidhmeannaigh shinsearacha lárnacha leis sin. Beidh na stiúrthóirí á dtabhairt cothrom le dáta go leanúnach trí mhionteagaisc i scríbhinn agus trí chruinnithe a thionól le feidhmeannaigh shinsearacha, le linn a dtréimhse i seilbh oifige, maidir le gnó an Ghrúpa, na timpeallachtaí iomaíocha agus rialaithe ina bhfeidhmíonn sé, cúrsaí a bhaineann le freagracht chorparáideach shóisialach agus athruithe eile a mbeidh tionchar acu ar an nGrúpa agus an tionscal poist ina iomlán. Cuirfear stiúrthóirí ar an eolas freisin, nuair a cheapfar iad, i scríbhinn agus trí chruinnithe pearsanta le Rúnaí na Cuideachta, maidir lena bhfreagrachtaí agus oibleagáidí ó thaobh an dlí agus eile agus iad ina stiúrthóirí. Tabharfar cothrom le dáta iad chomh maith maidir le hathruithe ar a riachtanais rialachais agus dlí an Ghrúpa agus orthu féin mar stiúrthóirí.

Rialachas Corparáideach ar leanúint

Meastóireacht feidhmíochta

Tá próiseas glactha agus á fheidhmiú ag an mBord don mheastóireacht bhliantúil ar a fheidhmíocht féin agus ar a bpríomhChoistí. Creideann an Bord go mbeadh sé mí-oiriúnach aon mheastóireacht bhreise eile a thabhairt isteach ar stiúrthóirí aonarach mar gheall ar an gcaoi a gceaptar stiúrthóirí, an struchtúr scairshealbhóireachta agus nósanna imeachta an Bhoird atá ann cheana.

Rúnaí na Cuideachta

Is fostaí lánaimseartha de chuid An Post é Rúnaí na Cuideachta. Tá Rúnaí na Cuideachta freagrach as an mBord a chomhairliú ar na nithe rialachais ar fad tríd an gCathaoirleach. Tá rochtain ag gach stiúrthóir ar chomhairle agus seirbhísí Rúnaí na Cuideachta. Forálann Airteagail Chomhlachais na Cuideachta gur cúrsaí don Bhord iomlán iad Rúnaí na Cuideachta a cheapadh agus a bhriseadh as a phost/a post..

Faisnéis

Scaiptear tuarascálacha agus páipéir go rialta ar na stiúrthóirí, ar shlí thráthúil agus iad ag ullmhú do chruinnithe Boird agus Coistí. Bíonn faisnéis a bhíonn iarrtha go sonrach ag stiúrthóirí mar fhorlíonadh do na páipéir sin ó am go ham.

Faigheann na stiúrthóirí cuntais mhíosúla bainistíochta agus tuairiscí bainistíochta agus faisnéis rialta a chuireann ar a gcumas feidhmíocht an Ghrúpa agus feidhmíocht na bainistíochta a scrúdú i gcomparáid le cuspoirí socraithe.

Caidrimh le scairshealbhóirí

Bíonn cumarsáid leanúnach maidir le saincheisteanna straitéiseacha, ag an mBord agus ag an mbainistíocht le scairshealbhóirí na Cuideachta.

Tugann an Cathaoirleach agus an Príomhfheidhmeannach aiseolas don Bhord maidir le saincheisteanna a chuireann na scairshealbhóirí faoina mbráid. Go hiondúil freastalaíonn na stiúrthóirí ar fad ar an gCruinniú Ginearálta Bliantúil agus iarrtar ar scairshealbhóirí ceisteanna a chur i rith an chruinnithe agus casadh le stiúrthóirí nuair a bhíonn na himeachtaí foirmiúla críochnaithe.

Rialú Inmheánach

Tá próiseas leanúnach ann chun na rioscaí suntasacha a thagann os comhair an Ghrúpa a aithint, a mheas agus a bhainistiú. Athbhreithníonn na stiúrthóirí an próiseas sin atá bunaithe ar an gComhchód Treorach do stiúrthóirí arna eisiúint ag an Institiúid Cuntasóirí Cairte i Sasana agus sa Bhreatain Bheag (Treoir Turnbull), go tréimhsiúil, agus bhí an próiseas i bhfeidhm ar feadh na tréimhse cuntasáíochta agus suas go dtí an dáta ar ceadáid na ráitis airgeadais.

De réir threoir choiste Turnbull, tá na stiúrthóirí freagrach as córas rialaithe inmheánaigh an Ghrúpa, ba chóir dóibh beartais chúil ar rialú inmheánach a leagan amach, dearbhú rialta a lorg a chuirfidh ar a gcumas a bheith sásta go bhfuil an córas ag feidhmiú go héifeachtach agus ba chóir dóibh a chinntiú go bhfuil éifeacht ag an gcóras rialaithe inmheánaigh maidir le rioscaí a bhainistiú ar an tslí atá ceadaithe acu. Tá córas den sórt sin leagtha amach chun rioscaí gnó a bhainistiú seachas deireadh a chur leo agus ní thugann an córas ach dearbhú réasúnta seachas dearbhú iomlán in aghaidh cailleanais nó mí-ráitis ábhartha.

Lean na stiúrthóirí ag athbhreithniú éifeachtacht chóras rialuithe airgeadais agus neamhairgeadais an Ghrúpa i rith 2006, lena n-áirítear rialuithe oibriúcháin agus comhlíonta, bainistiú riosca agus socruithe rialaithe inmheánaigh ardleibhéal an Ghrúpa. Áirítear measúnacht bainistíochta ar rialuithe inmheánacha, dearbhú bainistíochta ar chothabháil rialuithe, tuairiscí ó na hiniúcháirí inmheánacha agus tuairiscí ó na hiniúcháirí seachtracha maidir le nithe a aithníodh le linn a gcuid oibre iniúchta reachtúil, ar na hathbhreithnithe sin.

Breathnaíonn an Grúpa ar bhainistiú cúramach riosca mar phríomhghníomhaíocht bainistíochta. Is príomhghné de gach gníomhaíocht é riosca gnó a bhainistiú chun deiseanna a sheachadadh. Déantar é sin trí úsáid a bhaint as creat oibre solúbtha simplí a sholáthraíonn slí mharthanach sheasmhach chun luachanna an Ghrúpa a fheidhmiú. Ba chóir go mbeadh tuiscint ar na rioscaí gnó sin, ar féidir leo a bheith ina rioscaí straitéiseacha, rioscaí oibriúcháin, rioscaí clúiteacha, rioscaí airgeadais nó rioscaí comhshaoil, agus ba chóir go mbeidís infheicthe. Is é an comhthéacs gnó maidir le gach cás a chinneann an leibhéal riosca agus rialuithe inghlactha.

Tá an bhainistíocht freagrach as rioscaí shuntasacha a aithint agus a mheas agus as rialuithe inmheánacha cuí a leagan amach agus a fheidhmiú. Déantar measúnú ar na rioscaí sin, a thagann as foinsí éagsúla seachtracha agus inmheánacha, ar bhonn leanúnach. Tuairiscíonn an bhainistíocht chuig an mBord go rialta, ar na príomhbhunrioscaí sa ghnó agus ar an tslí a mbainistítear na rioscaí sin. Tuairiscíonn an bhainistíocht chuig an mBord freisin maidir le haon athruithe suntasacha ar ghnó an Ghrúpa agus ar aon rioscaí a bhaineann le hathruithe den sórt sin. Is cuid lárnach den timpeallacht rialaithe inmheánaigh é an próiseas a úsáidtear chun rioscaí lárnacha a aithint agus a bhainistiú.

Is iad seo a leanas na príomhnósanna imeachta a bhunaigh na stiúrthóirí ag féachaint do rialú inmheánach éifeachtach a sholáthar:

- Fócas soiléir ar chuspóirí gnó arna gcinneadh ag an mBord tar éis freagrachtaí reachtúla agus próifíl riosca gnó an Ghrúpa a bhreithniú.
- Struchtúr eagrúcháin sainmhínithe le línte freagrachta soiléire, tarmligean údarais, agus dualgais a dheighilt a leagfar amach chun timpeallacht rialaithe thairbheach a chothú.
- Próiseas bainistithe riosca a bhreithneoidh straitéis agus forbairt an ghnó i gcomhthéacs an phróisis bhliantúil buiséid agus pleananna airgeadais agus spriocanna feidhmíochta á socrú agus á n-athbhreithniú ag an mBord de réir chuspóirí foriomlána an Ghrúpa.
- Córas rialaithe agus tuairiscithe a chinnteoidh go dtuairisceoidh gnólachtaí aonair chuig an mBord ar bhonn leanúnach maidir lena gcuspóirí agus a ndul chun cinn chun iad a bhaint amach. Clúdaíonn an córas tuairiscithe feidhmíocht oibriúcháin agus airgeadais, tarlaíonn siad ar bhonn thráthúil agus cinnteoidh an córas go scrúdófar athraithe bhuiséadacha agus go ndéileálfar go pras leo.
- Feidhm iniúchta inmheánach a dhéanfaidh monatóireacht ar chomhlíonadh beartas agus éifeachtacht rialú inmheánach laistigh de ghnólachtaí an Ghrúpa. Díreofar oibriú na feidhme iniúchta inmheánaigh ar na réimsí is mó riosca don Ghrúpa.
- An Coiste Iniúchta agus Slándála, coiste ar leibhéal an Bhoird, a cheadóidh pleananna iniúchta inmheánaigh agus seachtracha agus a bheidh ag déileáil le saincheisteanna rialaithe suntasacha a thabharfaidh na hiniúcháirí inmheánacha agus seachtracha ar aird.

Rialachas Corparáideach ar leanúint

Freastal ar chruinnithe de chuid an Bhoird, an Choiste um Luach Saothair agus an Choiste Iniúchta agus Slándála

Reáchtáladh trí chruinniú Boird déag i rith na bliana dar chríoch 31 Nollaig, 2006 agus tá taifead tinrimh gach stiúrthóra leagtha amach sa tábla seo a leanas:

Ainm	i dteideal freastal	A d'fhreastail
Margaret McGinley	13	13
Patrick Compton	13	12
Jerry Condon	13	12
Donal Connell	3	3
Donal Curtin	8	8
Patrick Davoren	13	11
Thomas Devlin	13	11
Louise English	13	12
Ciara Hurley	9	6
James Hyland	13	12
Terry Kelleher	12	11
Brian McConnell	9	8
Alice O'Flynn	13	12
John Quinlivan	13	10
Alan Sloane	13	13
Peter Wyer	13	11

Reáchtáladh ocht gcruinniú Boird den Choiste um Luach Saothair i rith na bliana dar chríoch 31 Nollaig, 2006 agus tá taifead tinrimh gach stiúrthóra a bhí i dteideal freastal orthu, leagtha amach sa tábla seo a leanas:

Ainm	i dteideal freastal	A d'fhreastail
Margaret McGinley	8	8
Alice O'Flynn	8	8
Peter Wyer	8	7

Reáchtáladh seacht gcruinniú den Choiste Iniúchta agus Slándála i rith na bliana dar chríoch 31 Nollaig, 2006 agus tá taifead tinrimh gach stiúrthóra a bhí i dteideal freastal orthu, leagtha amach sa tábla seo a leanas:

Ainm	i dteideal freastal	A d'fhreastail
Patrick Davoren	7	7
James Hyland	7	7
Alice O'Flynn	7	6

Luach Saothair na Stiúrthóirí

Cinntear luach saothair an Phríomhfheidhmeannaigh de réir na nósanna imeachta arna n-eisiúint ag an Roinn Airgeadais, a chinneann luach saothair Phríomhoifigigh Feidhmiúchán na gComhlachtaí Tráchtála Stáit faoina coimirce agus tá luach saothair an Phríomhfheidhmeannaigh faoi réir cheadú an Choiste um Luach Saothair de chuid Bord An Post agus an tAire Cumarsáide, Mara agus Acmhainní Nádúrtha. Is é an cuspóir luach saothair an Phríomhfheidhmeannaigh a chothabháil ag leibheál tarraingteach don duine ach a léireoidh luach ar airgead don Ghrúpa ag an am céanna. Tá sciar de luach saothair an Phríomhfheidhmeannaigh i gcoibhneas le feidhmíocht agus, ar an tslí sin tá sé nasctha le cuspóirí an Ghrúpa agus an duine féin.

Cinneann an tAire Cumarsáide, Mara agus Acmhainní Nádúrtha, le ceadú ón Aire Airgeadais, táillí gach stiúrthóra.

Is ionann na nochtuithe a dhéantar sna ráitis airgeadais seo a bhaineann le luach saothair agus eolas faoi phinsean na stiúrthóirí agus iad sin a éilítear faoi Achtanna na gCuideachtaí, 1963 go 2006.

An Coiste um Luach Saothair

Tá an Coiste um Luach Saothair comhdhéanta de thriúr stiúrthóirí nach feidhmeannaigh iad. Tá Margaret McGinley ag gníomhú mar Chathaoirleach an Choiste. Iarrtar ar stiúrthóirí nach Comhaltaí den choiste iad freastal nuair is gá. Is iad príomhfhreagrachtaí an Choiste:

- luach saothair, agus téarmaí agus coinníollacha fostaíochta eile de chuid an Phríomhfheidhmeannaigh a chinneadh, thar ceann an Bhoird, faoi réir Beartas an Rialtais lena mbaineann a chomhlíonadh;
- struchtúir pá, agus téarmaí agus coinníollacha foirne sinsearacha eile (arna aithint ag Cathaoirleach an Bhoird) a chinneadh thar ceann an Bhoird;
- a bheith curtha ar an eolas faoi fhorbairtí suntasacha i gcaidreamh tionscail agus beartais chaidreamh tionscail a athbhreithniú chun a chinntiú go mbeidh an straitéis ag teacht lena bhfuil bainte amach ag plean gnó An Post agus cinntí a dhéanamh ar chúrsaí den sórt sin, thar ceann an Bhoird;
- na cinntí ar fad a bhaineann le pá agus cúrsaí pá a dhéanamh de réir mar a chinnfidh Cathaoirleach an Bhoird agus é ag gníomhú thar ceann an Bhoird;
- na cinntí suntasacha ar fad a bhaineann le cúrsaí ar nós beartas um luach saothair, sochair, grádú foirne, moltaí tríú páirtí agus saincheistanna gaolmhara agus é ag gníomhú thar ceann an Bhoird.

An Coiste Iniúchta agus Slándála

Tá an Coiste Iniúchta agus Slándála comhdhéanta de bheirt stiúrthóirí nach feidhmeannaigh iad agus de stiúrthóir amháin ar fostaí é nó í. Tá taithí airgeadais chuí agus taithí airgeadais le déanaí ag Cathaoirleach an choiste, James Hyland. Iarrtar ar stiúrthóirí nach Comhaltaí den choiste iad freastal nuair is gá. Faoina théarmaí tagartha, tá an Coiste chun cuidiú leis an mBord a fhreagrachtaí a chomhlíonadh trí athbhreithniú neamhspleách ar thuirisciú airgeadais a sholáthar, tríd an gcoiste a shásamh maidir le héifeachtacht rialuithe inmheánacha na Cuideachta agus maidir le leordhóthanacht na n-iniúchtaí seachtracha agus inmheánacha.

Rialachas Corparáideach ar leanúint

Tá an Coiste freagrach as monatóireacht a dhéanamh ar éifeachtacht an phróisis iniúchta seachtraigh agus as moltaí a dhéanamh chuig an mBord i ndáil le hiniúcháirí seachtracha a cheapadh, a athcheapadh agus leis an luach saothair a thabharfar dóibh. Tá sé freagrach as a chinntiú go gcothabhálfar caidreamh cuí idir an Grúpa agus na hiniúcháirí seachtracha, lena n-áirítear seirbhísí agus táillí neamh-iniúchta a athbhreithniú. Is gá iniúcháirí seachtracha an Ghrúpa a fhostú le haghaidh seirbhísí áirithe a bhaineann le hiniúchadh agus seirbhísí áirithe neamh-iniúchta, mar thoradh ar riachtanais rialacháin nó riachtanais den sórt sin. Chinn an Coiste Iniúchta agus Slándála beartais maidir le cad iad na seirbhísí a bhaineann le hiniúchadh agus cad iad na seirbhísí nach mbaineann ar féidir le hiniúcháirí seachtracha an Ghrúpa a sholáthar, agus an próiseas ceadaithe a bhaineann leis na seirbhísí sin, ionas go gcothabhálfar neamhspleáchas na n-iniúcháirí seachtracha.

Faoi na beartais sin, ní bheidh obair ar nós obair chomhairleach á tairiscint d'iniúcháirí sheachtracha mura mbeidh éifeachtachtaí soiléire agus sochair bhreisluacha don Ghrúpa ag baint leis, agus ag cinntiú go gcothabhálfar oibiachtúlacht agus neamhspleáchas na n-iniúcháirí seachtracha. Déanann an Coiste Iniúchta agus Slándála monatóireacht ar leibhéal na dtáillí a íoctar leis na hiniúcháirí seachtracha.

Athbhreithníonn an Coiste na córais rialaithe inmheánaigh agus na próisis monatóireachta agus meastóireachta maidir le rioscaí a thagann os comhair an Ghrúpa, go bliantúil.

Cuidíonn an Coiste leis an mBord freisin, agus nuair is cuí tugann moltaí don Bhord maidir lena fhreagrachtaí i ndáil le slándáil a chomhlíonadh.

Buailéann an Coiste leis an mbainistíocht agus go príobháideach leis na hiniúcháirí seachtracha.

Chomhlíon an Coiste Iniúchta agus Slándála a fhreagrachtaí i 2006 trí:

- dhréacht-ráitis airgeadais an Ghrúpa do 2005 a athbhreithniú sular cheadaigh an Bord iad agus sular casadh leis na hiniúcháirí seachtracha chun a athbhreithniú;
- oiriúnacht beartais chuntasaíochta an Ghrúpa a athbhreithniú;
- thionchar cúrsaí tábhachtacha a tharla i rith na bliana ar ráitis airgeadais an Ghrúpa a athbhreithniú;
- acmhainní iniúchta inmheánach a athbhreithniú, pleananna iniúchta inmheánaigh a cheadú, tuairiscí iniúchta inmheánaigh a athbhreithniú agus déileáil le saincheisteanna tábhachtacha maidir le rialú ar thug na hiniúcháirí inmheánacha ar aird;
- an táille iniúchta a athbhreithniú agus a cheadú agus na táillí neamh-iniúchta iníoctha le hiniúcháirí seachtracha an Ghrúpa a athbhreithniú;
- phlean na n-iniúcháirí seachtracha maidir le hiniúchadh ar ráitis airgeadais an Ghrúpa do 2006, dearbhú neamhspleáchais na n-iniúcháirí agus dearbhú an táille iniúchta molta, a athbhreithniú, agus na téarmaí maidir le dul i mbun iniúchta a cheadú;
- na príomhrioscaí don ghnó a athbhreithniú agus dóthanacht chórais aithint riosca agus measúnú riosca an Bhoird a bhreithniú;

- thuarascáil bhliantúil ar chórais rialaithe inmheánaigh an Ghrúpa agus a n-éifeachtacht a athbhreithniú, tuairisc a thabhairt don Bhord ar thorthaí an athbhreithnithe, agus a bheith tugtha cothrom le dáta go rialta maidir le réimsí lárnacha rioscaí rialaithe airgeadais;
- athbhreithniú a dhéanamh ar bheartais slándála agus nósanna imeachta maidir leis an bhfoireann agus custaiméirí a chosaint agus sócmhainní a choinneáil slán agus na beartais agus na nósanna imeachta sin a fheidhmiú agus a chomhlíonadh.

Tá nósanna imeachta i bhfeidhm ag an nGrúpa a chinntíonn go mbeidh socruithe oiriúnacha ann ionas go mbeidh fostaithe in ann cúrsaí a d'fhéadfadh a bheith míchuí a thabhairt ar aird faoi rún, agus go mbeadh gníomh leanúna cuí ann chun déileáil leo ina dhiaidh sin. Cruthaíodh slite a chuirfidh ar chumas daoine éagóir a bhraitear a chur in iúl tríd an bpost, trí glao gutháin agus trí ríomhphost, ní gá ainm a thabhairt, más sin a bhíonn ó dhaoine.

An Coiste Ainmniúcháin

Ní gá go mbeadh bunú coiste ainmniúcháin á bhreithniú ag an mBord os rud é go bhfuil an t-údarás ar fad a bhaineann le stiúrthóirí a cheapadh dílsithe don Aire Cumarsáide, Mara agus Acmhainní Nádúrtha le toiliú ón Aire Airgeadais.

Ráiteas Comhlíonta

Mar a thugtar ar aird thuas, agus an beartas rialachais chorparáidigh á fhorbairt, bhí sé i gceist ag an mBord éifeacht a thabhairt do Chód Cleachtais do Rialachas Comhlachtaí Stáit, arna eisiúint ag an Roinn Airgeadais, agus do na príomhphrionsabail agus do na prionsabail thacaíochta dea-rialachais iomchuí a léirítear sa Chomhchód 2003 arna eisiúint ag Comhairle Tuairiscithe Airgeadais na Ríochta Aontaithe.

Dearbhaíonn na stiúrthóirí go raibh príomhphrionsabail agus prionsabail thacaíochta chuí Chomhchóid 2003 agus an Chóid Dea-Chleachtais do Rialachas Comhlachtaí Stáit á gcomhlíonadh ar feadh na bliana airgeadais atáthar a athbhreithniú ach i ndáil leis na cúrsaí seo a leanas, mar a mhínítear thuas nuair nach meastar comhlíonadh deonach fhorálacha Chomhchóid 2003, mar gheall ar an tslí a cheaptar stiúrthóirí, struchtúr dlí agus struchtúr scairshealbhóireachta na Cuideachta agus nósanna imeachta Bhoird atá ann faoi láthair a bheith cuí.

Gnóthas Leantach

Tá plean gnó an Ghrúpa agus faisnéis chuí eile, athbhreithnithe ag na stiúrthóirí agus tá dóchas réasúnta acu go leanfaidh an Grúpa de bheith ag oibriú go ceann i bhfad. Mar gheall air sin, leanfaidh na stiúrthóirí ag glacadh le bonn an ghnóthais leantach agus na ráitis airgeadais á n-ullmhú acu.

Thar ceann an Bhoird

Margaret McGinley

Cathaoirleach

Donal Connell

Stiúrthóir

22 Márta, 2007

Ráiteas de chuid na Stiúrthóirí

ar chomhlíonadh Rialacháin na gComhphobal Eorpach (Seirbhísí Poist) 2002 a bhaineann le córais chostchuntasáíochta agus le Treoir an Rialtóra ar Chórais Chuntasáíochta An Post

Faoi Rialacháin na gComhphobal Eorpach (Seirbhísí Poist), 2002 ('na Rialacháin'), ainmníodh an Coimisiún um Rialáil Cumarsáide, (ComReg) mar an t-údarás rialacháin náisiúnta don earnáil phoist agus ainmníodh An Post mar Sholáthróir Uilíoch Seirbhíse

Faoi na Rialacháin sin, tá sé riachtanach go mbeidh nósanna imeachta cuntasáíochta An Post á riaradh de réir threoracha atá leagtha síos ag ComReg agus de réir fhorálacha faoi leith sna Rialacháin. D'éisigh ComReg treoir do An Post an 20 Meán Fómhair 2001, a leag amach riachtanais shonracha an rialtóra i ndáil le córais chuntasáíochta An Post ('An Treoir'). D'éisigh Comreg treoir chuntasáíochta nua chuig An Post an 8 Nollaig, 2006 a fheidhmíonn tréimhsí cuntasáíochta a thosnaíonn an 1 Eanáir, 2007 nó ina dhiaidh.

Tugann na stiúrthóirí aitheantas dá bhfreagracht forálacha cuntasáíochta de chuid na Rialachán, agus na Treorach a chomhlíonadh agus léiríonn an ráiteas seo a leanas an tslí ar fheidhmigh An Post na forálacha cuí de chuid na Rialachán agus na Treorach don bhliain chuntasáíochta dar tús an 1 Eanáir, 2006.

Taifid Airgeadais agus Córais Chuntasáíochta

Tá an méid sonraí atá riachtanach faoin Treoir, sna taifid airgeadais agus sna córais chuntasáíochta atá á gcothabháil ag An Post lena chur ar chumas na bainistíochta a chinntiú go gcomhlíonfaidh siad forálacha cuntasáíochta de chuid na Rialachán. Tá cuntais ar leithligh á gcothabháil do gach ceann de na seirbhísí laistigh den earnáil fhorchoimeáda agus den earnáil neamhfhorchoimeáda.

Cuntais Dheighilte

Tá cuntais bhrabúis agus cailteanais agus ráitis ar ghlan sócmhainní á n-ullmhú le cur faoi bhráid ComReg don bhliain dar chríoch 31 Nollaig, 2006 laistigh den spriocdháta sonraithe de 19 seachtaine ó dheireadh na bliana airgeadais.

Lámhleabhar Cuntasáíochta Bainistíochta

Ullmhaíodh lámhleabhar mionsonraithe cuntasáíochta a léiríonn an raon agus an scóip sonraí atá le bailiú chun críche na Rialachán agus na Treorach a chomhlíonadh, agus an bunús a mbeidh na sonraí á leithdháileadh/ leithroinnt ar sheirbhísí. Cuireadh lámhleabhar athbhreithnithe faoi bhráid ComReg i 2006.

Léiríonn an lámhleabhar cinneadh sonraithe ioncain agus leithroinnt costas agus prionsabail agus rialacha leithdháileadh atá leagtha amach sna Rialacháin agus sa Treoir.

Ráiteas Comhlíonta

Creideann na stiúrthóirí, bunaithe ar na céimeanna agus na gníomhartha thuas, gur chomhlíon An Post forálacha cuí na Rialachán agus Treoir ComReg a bhaineann le Córais Chuntasáíochta An Post don bhliain dar chríoch 31 Nollaig, 2006.

Thar ceann an Bhoird

Margaret McGinley *Cathaoirleach*

Donal Connell *Stiúrthóir*

22 Márta, 2007

Ráiteas ar Fhreagrachtaí na Stiúrthóirí

Tá na stiúrthóirí freagrach as an Tuarascáil Bhliantúil agus na ráitis airgeadais a ullmhú, de réir dlí agus rialachán infheidhme.

Ceanglaíonn dlí Cuideachtaí ar na stiúrthóirí ráitis airgeadais an Ghrúpa agus na máthairChuideachta a ullmhú do gach bliain airgeadais. Faoin dlí sin thogha na stiúrthóirí go n-ullmhódh siad ráitis airgeadais an ghrúpa agus na máthairchuideachta de réir Chleachtas Cuntasaíochta Inghlactha go Ginearálta in Éirinn, atá comhdhéanta de dhlí infheidhme agus na caighdeáin chuntasaíochta arna eisiúint ag an mBord Caighdeán Cuntasaíochta agus atá fógartha ag an Institiúid Cuntasóirí Cairte in Éirinn.

Ceanglaíonn an dlí go mbeadh ráitis airgeadais an Ghrúpa agus na máthairchuideachta á n-ullmhú chun léargas fíor agus cothrom a thabhairt ar staid chúrsaí an Ghrúpa agus na máthairchuideachta agus ar bhrabús agus cailteanas na an Ghrúpa don tréimhse sin.

Agus ráitis airgeadais an Ghrúpa agus na máthairchuideachta á n-ullmhú, ceanglaítear ar na stiúrthóirí:

- beartais chuntasaíochta oiriúnacha a roghnú agus iad a fheidhmiú go seasta;
- breithiúnais agus meastacháin a dhéanamh a bhíonn réasúnach agus stuama; agus
- na ráitis airgeadais a ullmhú ar bhonn an ghnóthais leantaigh, sin mura mbíonn sé mí-oiriúnach glacadh leis go leanfaidh an Grúpa i mbun gnó.

Tá na stiúrthóirí freagrach as leabhair chuntais chuí a choinneáil a léiríonn le cruinneas réasúnach ag aon tráth staid airgeadais an Ghrúpa agus na Cuideachta agus a chuireann ar a gcumas a chinntiú go mbíonn na ráitis airgeadais ag cloí le hAchtanna na gCuideachtaí 1963 go dtí 2006. Tá siad freagrach freisin as sócmhainní na cuideachta a chosaint agus as sin, céimeanna réasúnacha a ghlacadh chun calaois agus mírialtachtaí eile a chosc agus a bhrath

Tá na stiúrthóirí freagrach freisin as Tuarascáil na Stiúrthóirí a ullmhú a chomhlíonann ceanglais Achtanna na gCuideachtaí, 1963 go dtí 2006.

Tá na stiúrthóirí freagrach as cothabháil agus ionracas na faisnéise airgeadais agus corparáidí atá ar láithreán gréasáin na Cuideachta. D'fhéadfadh go bhfuil reachtaíocht i bPoblacht na hÉireann a rialaíonn ullmhú agus scaipeadh ráiteas airgeadais éagsúil ó reachtaíocht i ndlínsí eile.

Thar ceann an Bhoird

Margaret McGinley
Cathaoirleach

Donal Connell
Stiúrthóir

22 Márta, 2007

Tuarascáil an Iniúcháir Neamhspleách chuig Comhaltaí An Post

Tá iniúchadh déanta againn ar ráitis airgeadais ghrúpa agus máthairchuideachta (na 'ráitis airgeadais') An Post don bhliain dar chríoch 31 Nollaig, 2006 atá comhdheánta den Chuntas Brabúis agus Cailteanais Comhdhlúite, Clár Comhardaithe Comhdhlúite agus Clár Comhardaithe na Cuideachta, Ráiteas Comhdhlúite ar Shreabhadh Airgid agus Ráiteas Comhdhlúite de na Gnóthachain agus Cailteanais Iomlána Aitheanta agus na nótaí gaolmhara. Ullmhaíodh na ráitis airgeadais seo faoi na beartais chuntasaíochta atá ann.

Tá an tuarascáil seo ullmhaithe do chomhaltaí na Cuideachta, agus dóibhsean amháin, mar chomhlacht de réir alt 193 d'Acht na gCuideachtaí, 1990. Chuathas i mbun ár gcuid oibre iniúchta ionas go bhféadfaimis na nithe ar gá dúinn a lua do chomhaltaí na Cuideachta i dtuarascáil iniúcháirí a lua agus ní chun críche ar bith eile. Chomh fada agus atá ceadaithe le dlí, ní ghlacaimid agus ní ghabhaimid freagracht orainn féin maidir le haon duine seachas an Chuideachta agus comhaltaí na Cuideachta mar chomhlacht, as ár n-obair iniúchta, don tuarascáil seo agus do na tuairimí atá déanta againn.

Freagrachtaí Faoi Seach na Stiúrthóirí agus na nIniúcháirí

Tá freagrachtaí na stiúrthóirí as an tuarascáil bhliantúil agus na ráitis airgeadais a ullmhú de réir dlí infheidhme agus na caighdeáin chuntasaíochta arna eisiúint ag an mBord Caighdeán Cuntasaíochta agus atá fógartha ag an Institiúid Cuntasóirí Cairte in Éirinn (Cleachtas Cuntasaíochta Inghlactha go Ginearálta in Éirinn), leagtha amach i Ráiteas ar Fhreagrachtaí na Stiúrthóirí ar leathanach 41.

Is é ár bhfreagracht iniúchadh a dhéanamh ar na ráitis airgeadais de réir cheanglais dlí agus rialacháin chuí agus de réir na gCaighdeán Idirnáisiúnta ar Iniúchadh (Ríocht Aontaithe agus Éire).

Tuairiscimid ár dtuairim cibé an dtugann na ráitis airgeadais léargas fíor agus cothrom de réir Chleachtas Cuntasaíochta Inghlactha go Ginearálta in Éirinn agus cibé an bhfuil siad ullmhaithe go cuí de réir Achtanna na gCuideachtaí, 1963 go dtí 2006, agus Rialacháin na gComhphobal Eorpach (Cuideachtaí: Grúpchuntais), 1992. Tuairiscimid freisin cibé inár dtuairim: an bhfuil leabhair chuntais chearta coinnithe ag an gcuideachta, ag dáta an chláir chomhardaithe, ar ann do staid airgeadais a éilíonn cruinniú ginearálta urghnách den chuideachta a thionól; agus cibé an bhfuil an fhaisnéis atá tugtha i dtuarascáil na Stiúrthóirí ag teacht leis na ráitis airgeadais. Sa bhreis air sin, luaimid cibé an bhfuairéamar an fhaisnéis agus na míniúcháin ar fad atá riachtanach chun críocha ár n-iniúchta agus cibé an dtagann ráiteas airgeadais na cuideachta leis na leabhair chuntais.

Tuairiscimid freisin, mura dtugtar, inár dtuairim féin, aon fhaisnéis atá sonraithe le dlí maidir le luach saothair na stiúrthóirí agus idirbhearta na stiúrthóirí leis an nGrúpa.

Athbhreithneoidimid, ar iarraidh ó na stiúrthóirí, cibé (1) an léiríonn an ráiteas deonach Rialachas Corparáideach ar leathanaigh 32 go 39 gur chomhlíon an Grúpa na naoi gcinn d'fhorálacha i gComhchód FRC 2003 a shonraíonn Stocmhalartán na hÉireann d'athbhreithniú iniúcháirí agus (2) an léiríonn an ráiteas den chóras rialaithe inmheánaigh ar leathanaigh 34 agus 35 gur chomhlíon an grúpa foráil an Chóid Dea-Chleachtas do Rialachas Comhlachtaí Stáit a shonraítear le haghaidh athbhreithniú iniúcháirí agus tuairiscimid mura léiríonn na ráitis sin. Níl orainn a bhreithniú an gclúdaíonn ráitis an Bhoird ar rialú inmheánach na rioscaí agus na rialuithe ar fad, nó a theacht ar thuairim maidir le héifeachtacht nósanna imeachta rialachais chorparáidigh an Ghrúpa nó a nósanna imeachta maidir le rioscaí agus rialú.

Léimid an fhaisnéis eile atá sa tuarascáil bhliantúil agus breithnímid an bhfuil sé comhsheasmhach leis na ráitis airgeadais iniúchta. Níl i gceist leis an bhfaisnéis eile sin ach Tuarascáil na Stiúrthóirí, Ráiteas an Chathaoirligh, An tAthbheithniú an Phríomhfheidhmeannaigh, Athbheithniú Airgeadais, An Ráiteas maidir le Rialachas Corparáideach agus an Achoimre Airgeadais Cúig Bhliana. Breithnímid na himpleachtaí dár dtuarascáil má thagaimid ar aon fhaisnéis maidir le mí-ráitis nó neamhréireachtaí ábhartha leis na ráitis airgeadais. Ní shíneann ár bhfreagrachtaí chuig aon fhaisnéis eile.

Bunús na Tuairime

Rinneamar ár n-iniúchadh de réir na gCairdeán Idirnáisiúnta ar Iniúchadh (Ríocht Aontaithe agus Éire) arna n-eisiúint ag an mBord um Chleachtais Iniúchóireachta. Áirítear in iniúchadh fianaise a bhaineann leis na méideanna agus an nochtadh sna ráitis airgeadais a scrúdú ar bhonn tástála. Áirítear ann freisin, measúnú ar na meastacháin agus breithiúnais shuntasacha a rinne na stiúrthóirí agus iad ag ullmhú na ráiteas airgeadais agus cibé an bhfuil na beartais chuntasaíochta oiriúnach d'imthosca an Ghrúpa, ar cuireadh i bhfeidhm go seasta iad, agus an bhfuil faisnéisiú dóthanach tugtha fúthu orthu.

Phleanálar agus rinneamar ár n-iniúchadh chun an fhaisnéis agus na míniúcháin ar fad a fháil a mheasamar a bheith riachtanach chun dóthain fianaise a chur ar fáil dúinn chun dearbhú réasúnach a thabhairt go bhfuil na ráitis airgeadais saor ó mhíríteas ábhartha, cibé de bharr calaoise nó mírialtachta eile nó earráide. Agus sinn ag teacht ar ár dtuairim, rinneamar meastóireacht ar leordhóthanacht fhoriomlán thíolacadh na faisnéise sna ráitis airgeadais.

Tuairim

Is é ár dtuairim go dtugann na ráitis airgeadais:

- léargas fíor agus cothrom, de réir Chleachtas Cuntasaíochta Inghlactha go Ginearálta in Éirinn, ar staid chúrsaí an Ghrúpa agus na Cuideachta amhail an 31ú Nollaig, 2006 agus ar bhrabús an Ghrúpa don bhliain dar chríoch amhlaidh; agus
- agus gur ullmhaíodh na ráitis airgeadais go cuí de réir Achtanna na gCuideachtaí, 1963 go dtí 2006 agus Rialacháin na gComhphobal Eorpach (Cuideachtaí : Grúpchuntais), 1992.

Tá an fhaisnéis agus na mínithe ar fad a mheasaimid a bheith riachtanach chun críocha ár n-iniúchta faighte againn. Is é ár dtuairim, go bhfuil tuairisceán cuí dóthanach dár n-iniúchadh faighte againn ó bhraisi na Cuideachta nár thugamar cuairt orthu. Is é ár dtuairim go bhfuil leabhair chuntais chuí coimeáda ag an gCuideachta agus go bhfuil clár comhardaithe na Cuideachta amhail an 31 Nollaig 2006 ag teacht leis na leabhair chuntais.

Is é ár dtuairim go bhfuil an fhaisnéis a thugtar i dtuarascáil na stiúrthóirí ar leathanaigh 28 go dtí 31 ag teacht leis na ráitis airgeadais.

Tuarascáil an Iniúcháir Neamhspleách chuig Comhaltaí An Post ar leanúint

Tá luach ghlan sócmhainní na Cuideachta, mar a luaitear sa chlár comhardaithe ar leathanach 53 níos mó ná leath a scairchaipitil glaoite agus, in ár dtuairim, ar an mbunús sin ní raibh staid airgeadais ann an 31 Nollaig 2006, a d'éileodh, faoi Alt 40(1) d'Acht na gCuideachtaí (Leasú), 1983, cruinniú ginearálta urghnách den Chuideachta a thionól.



Cuntasóirí Cairte

Iniúcháir Cláraithe

1 Plás Stokes
Faiche Stiabhna
Baile Átha Cliath 2

22 Márta, 2007

Tuarascáil na nIníúcháirí Neamhspleácha chuig An Post

ar chomhlíonadh Rialachán na gComhphobal Eorpach (Seirbhísí Poist) 2002 (na Rialacháin) maidir le córais costchuntasaíochta agus Treoir an Rialtóra

Chomh maith lenár n-iníúchadh ar na ráitis airgeadais, d'athbhreithníomar ráiteas na stiúrthóirí ar leathanach 40 a bhaineann le comhlíonadh na Cuideachta, don bhliain dar chríoch 31 Nollaig, 2006, d'fhorálacha cuntasaíochta na Rialachán agus na treorach a tugadh do An Post a leag amach mionriachtanais an Rialtóra i ndáil le córais chuntasaíochta An Post (an Treoir) arna n-eisiúint ag an rialtóir seirbhísí poist, ComReg, an 20 Meán Fómhair, 2001, i ndáil le córais chuntasaíochta An Post.

Freagrachtaí Faoi Seach na Stiúrthóirí agus na nIníúcháirí

Ullmhaíonn na stiúrthóirí ráiteas bliantúil de chomhlíonadh fóralacha cuntasaíochta na Rialachán agus na Treorach as a bhfuil siad freagrach. Is é cuspóir ár n-athbhreithniú aird a tharraingt ar neamhchomhlíonadh riachtanas fhorálacha cuntasaíochta na Rialachán agus na Treorach. Ní ionann ár n-athbhreithniú agus iniúchadh ar na cuntais dheighilte.

Bunús na Tuairime

Rinneamar ár n-athbhreithniú de réir phrionsabail ghinearálta agus treoir an Bhoird um Chleachtais Iniúchtóireachta.

Tuairim

Is é ár dtuairim, bunaithe ar fhiosrúchán stiúrthóirí agus oifigigh faoi leith na Cuideachta agus ar cháipéisí chuí a scrúdú, go léiríonn ráiteas na stiúrthóirí ar leathanach 40, go cuí, gur chomhlíon an Chuideachta forálacha cuntasaíochta na Rialachán agus Treorach ar Chórais Chuntasaíochta An Post, arna n-eisiúint an 20 Meán Fómhair 2001 ag ComReg, don bhliain dar chríoch 31 Nollaig 2006.



Cuntasóirí Cairte

1 Plás Stokes
Faiche Stiabhna
Baile Átha Cliath 2

22 Márta, 2007

Beartais Chuntasaíochta

Feidhmíodh na beartais chuntasaíochta seo a leanas go comhsheasmhach nuair a bhíodhas ag déileáil le hitimí a measadh a bheith ábhartha do ráitis airgeadais an Ghrúpa.

1. Bunús an Ullmhúcháin

Tá na ráitis airgeadais ullmhaithe faoin gcoinbhinsiún chostas stairiúil de réir dlí infheidhme agus Cleachtas Cuntasaíochta a bhfuil Glacadh go Ginearálta leo in Éirinn agus ar a áirítear orthu comhlíonadh chaighdeáin tuairiscithe airgeadais Bhord um Chaighdeáin Chuntasaíochta arna bhfógairt in Éirinn ag Institiúid Chuntasóirí Cairte na hÉireann.

2. Bunús an Chomhdhlúthaithe

Áirítear ráitis airgeadais na Cuideachta agus a foghnóthais (ach amháin Cuideachta Chrannchur Náisiúnta An Post) ar na ráitis airgeadais comhdhlúite suas go deireadh na bliana airgeadais. Áirítear torthaí na bhfoghnóthas a fuarthas nó a bhí diúscartha i rith na bliana ar an gcuntas brabúis agus caillteanais comhdhlúite ón dáta a fuarthas iad nó suas go dtí an dáta diúscartha. Nuair a fhaightear gnó, cuirtear luach cothrom ar na glansócmhainní a fuarthas, ar féidir iad a aithint. Déileáiltear le cáilmheas ar éadálacha mar atá leagtha amach thíos.

Má chríochnaíonn bliain airgeadais an fhoghnóthais ag dáta de bhreis agus trí mhí roimh chríoch bhliain airgeadais na máthairchuideachta, beidh ráitis airgeadais eatramhacha arna n-ullmhú ag an bhfochuideachta comhdhlúite i ráitis airgeadais an Ghrúpa ag deireadh bhliain airgeadais na máthairchuideachta.

Is í an t-aon ghníomhaíocht de chuid Cuideachta Chrannchur Náisiúnta An Post an Crannchur Náisiúnta a fheidhmiú faoi cheadúnas an Aire Airgeadais de réir fhorálacha an Achta um Chrannchur Náisiúnta, 1986 agus beidh an barrachas a ghinfeadh gach bliain inchurtha go hiomlán i leith Ciste an Chrannchuir Náisiúnta atá faoi bhainistíocht agus rialú an Aire. Dá réir sin, ní bhíonn baint ag An Post leis an mbarrachas a bhíonn ginte ag Cuideachta Chrannchur Náisiúnta agus freisin níl An Post i dteideal aon chearta ar shócmhainní na cuideachta sin. Ar an mbunús sin, de réir fhorálacha an Chaighdeáin Tuairiscithe Airgeadais Uimh. 2 'Cuntasaíocht d'Fhoghnóthais', agus Rialacháin na gComhphobal Eorpach (Cuideachtaí: Grúpchuntais), 1992, ní bheidh ráitis airgeadais Chuideachta Chrannchur Náisiúnta istigh leis na ráitis airgeadais comhdhlúite. Foilsíodh ráitis airgeadais ar leithligh Chuideachta Chrannchur Náisiúnta an 8 Márta, 2007.

Is iad gnóthais chomhfhiontair (comhfhiontair) na gnóthais sin a bheidh á rialú ag an nGrúpa i gcomhar le páirtí eile.

Is iad gnóthais chomhlachais (comhlachais) na gnóthais sin a mbeidh leas rannpháirtíochta ag an nGrúpa sa chaipiteal cothromais agus a mbeidh tionchar suntasach ag an nGrúpa air.

Tugtar cuntas i gcomhfhiontair agus fiontair chomhlachais ag úsáid modh an ollchothromais agus an modh cothromais faoi seach. Áirítear sciar an Ghrúpa den bhrabús lúide caillteanais na gcomhfhiontar agus na bhfiontar comhlachais sa chuntas brabúis agus caillteanais comhdhlúite. Áirítear leasanna an Ghrúpa ina nglansócmhainní nó ina nglanhliteanais mar infheistíochtaí sócmhainní dochta sa chlár comhardaithe comhdhlúite le méid a léiríonn sciar an Ghrúpa de luachanna cóir na nglansócmhainní nuair a fuarthas iad móide sciar den bhrabús nó den chaillteanas coinnithe tar éis a bhfáil.

3. Láimhdeachas

Aithnítear láimhdeachas mar sheirbhísí atáthar ag soláthar agus atá comhdhéanta d'ioncam as postas, seirbhísí gníomhaireachta, na táillí as seirbhísí seoltán, seirbhísí teachtairí agus seirbhísí loighistice, seirbhísí comhairleoireachta, seirbhísí airgeadais, cíosanna agus ioncam as ús. Faightear ioncam as seirbhísí gníomhaireachta i ndáil le seirbhísí a sholáthar do Ranna Rialtais, do Ghníomhaireacht Bainistíochta an Chisteáin Náisiúnta, do Chuideachta Chrannchur Náisiúnta An Post agus do chomhlachtaí eile. Tá méideanna a shealbhaítear i bhfeidhmiú na seirbhísí gníomhaireachta sin san áireamh i méideanna a shealbhaítear in iontaobhas in airgead tirim sa bhanc agus ar láimh.

Aithnítear ioncam as postas sa chuntas brabúis agus caillteanais mar a dhéantar díolacháin le coigeartú stampaí a díoladh agus stampaí nár baineadh úsáid astu agus iarmhéideanna sna measíní postmhéadair nach bhfuil ídithe ag deireadh na bliana.

4. Seirbhísí Coigiltis

Feidhmíonn an Chuideachta Banc Taisce An Phost agus seirbhísí eile coigiltis do Ghníomhaireacht Bainistíochta an Chisteáin Náisiúnta, a fheidhmíonn thar cheann an Aire Airgeadais, ar bhonn gníomhaireachta agus ar luach saothair comhaontaithe.

Seoltar na cistí chuig Gníomhaireacht Bainistíochta an Chisteáin Náisiúnta go rialta. Tá sócmhainní agus dliteanais seirbhísí coigiltis den sórt sin dílsithe don Aire Airgeadais agus, dá réir sin ní áirítear iad sna ráitis airgeadais seo.

5. Deontais

Déantar na deontais bunaithe ar ioncam a chreidiúnú chuig an gcuntas brabúis agus caillteanais chun an caillteanas a fhreagraíonn dóibh a fhritháireamh.

Aithnítear na deontais chaipitil a fhaightear agus atá infhaighte faoi scéimeanna AE chuidithe nuair a fhaightear iad nó nuair atáthar beagnach cinnte go bhfuil siad ag teacht

Déileáiltear le deontais chaipitil mar ioncam iarchurtha agus amúchtar iad chuig an gcuntas brabúis agus caillteanais ar bhonn atá comhsheasmhach le beartas dímheasa na sócmhainní dochta inláimhsithe gaolmhara.

6. Sócmhainní Dochta Inláimhsithe

Luaitear sócmhainní dochta inláimhsithe mar a gcostas lúide dímheas carntha.

Cuirtear caiteachas ar threalamh slándála faoi leith i bhfo-oifigí poist agus ar throsacán agus ar fheisteanas chomh maith le mionitímí eile de mhuirear ar chuntas brabúis agus caillteanais na bliana a ndéantar an chaiteachais. Caipitlítear gach ceannachán eile de shócmhainní dochta inláimhsithe.

Níl talamh ruíse ná talamh léasachta faoi réir dímheasa. Cuirtear dímheas ar shócmhainní dochta inláimhsithe eile de mhuirear ar an gcuntas brabúis agus caillteanais ar bhonn dronlíneach chun na sócmhainní sin atá coigeartaithe le haghaidh luach iarmharach maidir le hionchas marthana úsáideach measta gach catagóra a dhíscríobh. Athbhreithnítear fuíoll ionchais marthana úsáideach na sócmhainní agus a luachanna iarmharaigh ar bhonn rialta.

Beartais Chuntasaíochta ar leanúint

6. Sócmhainní Dochta Inláimhsithe (ar leanúint)

Bíonn éifeacht le dímhéas ar bhreiseanna ón gcéad lá den mhí tar éis iad a choimisiúnú agus ar dhiúscairtí suas go dtí deireadh na míosa a scoirtear iad.

Seo a leanas na hionchais mharthana measta:

	Blianta
Foirgnimh ruíse agus foirgnimh léasachta	20 - 50
Leas in Ard-Oifig an Phoist	50
Mótarfheithiclí	5
Trealamh ríomhaireachta & eile	3 - 10

7. Léasanna Oibriúcháin

Cuirtear léaschíosanna oibriúcháin de mhúirear ar an gcuntas brabúis agus cailteanais ar bhonn dronlíneach thar théarma an léasa.

8. Cáilmheas

Caipitlítear agus amúchtar cáilmheas ar éadálacha a léiríonn farasbarr den phraghas ceannaigh ar luach chóir na nglansócmhainní nó na nglanlíteanais inaitheanta a fuarthas, chuig an gcuntas brabúis agus cailteanais ar bhonn dronlíneach thar a ionchas marthana usáideach de dheich mbliana. Athbhreithnítear luach iompair cáilmheasa go bliantúil agus foráiltear d'aon lagú i luach. Ar dhiúscairt gnó, cuirtear aon cháilmheas san áireamh ar bhreithniú brabús nó cailteanas dhíolachán an ghnó.

9. Cánachas

Soláthraítear cáin reatha lena n-áirítear cáin chorparáide na hÉireann agus cáin(cánacha) coigríche ar bhrabúis incháinithe, mar mhéideanna a mheastar a íocfar (nó a bheidh aisghafa) agus na rátaí cánach agus na dlíthe atá achtaithe nó achtaithe a ndóthain faoi dháta an chláir chomhardithe.

Tugtar aitheantas do cháin iarchurtha i leith gach difríocht uainiúcháin a tháinig chun cinn ach nach bhfuil aisiompaithe faoi dháta an chláir chomhardithe. Foráiltear dó sin ag na rátaí a mheastar a bheidh infheidhme nuair a aisiompófar na difríochtaí uainiúcháin. Is éard is difríochtaí uainiúcháin ann ná difríochtaí idir brabúis incháinithe an Ghrúpa agus torthaí an Ghrúpa, mar a luaitear sna ráitis airgeadais, a eascraíonn as gnóthachain agus cailteanais a chuimsiú i mbrabúis incháinithe le linn thréimhsí eile seachas na thréimhsí a dtugtar aitheantas dóibh sna ráitis airgeadais.

Feictear glansócmhainn chánach iarchurtha mar cheann in-aisghabhála agus ní thugtar aitheantas di dá bhrí sin, ach amháin nuair a fhéadfar a fheiceáil, ar bhonn na fianaise ar fad a bheidh ar fáil, gur dóigh go mbeidh brabúis incháinithe chuí ar fáil a mbeifear in ann aisiompú na mbundifríochtaí uainiúcháin amach anseo a bhaint astu.

Tugtar aitheantas do cháin iarchurtha i leith tuilleamh coimeáda de chuid fochuideachtaí, comhfhiontair agus comhlachais thar lear chomh fada agus go bhfuil díbhinní fabhráithe nó infhaighte nó go bhfuil comhaontú ceangailteach déanta ag an bhfochuideachta, an comhfhiontar nó an fiontar comhlachais seanghnóthacháin a dháileadh amach anseo faoi dháta an chláir chomhardithe.

10. Pinsin

Cuireann an grúpa pinsin ar fáil dá chuid fostaithe faoi scéimeanna aoisliúntais sochair sainmhínithe agus scéim ranníoca sainmhínithe. Beidh aiscí scoir iníoctha do mháistrí poist a bheidh ag obair mar ghníomhairí agus do roinnt fostaithe neamh-inphinsin faoi ghnáth imthosca.

I ndáil leis an scéim ranníoca sainmhínithe, bíonn ranníoca fabhraithe agus aitheanta i mbrabús nó cailteanas oibriúcháin sa tréimhse a ghnóthaíonn na fostaithe cuí iad.

Maidir leis na scéimeanna sochair sainmhínithe, nochtáítear an difríocht idir luach margaidh shócmhainní na scéime agus luach reatha dhliteanais na scéime measúnaithe achtúire, a bhíonn ríofa ag úsáid modh creidmheasa aonaid fortheilgthe, mar shócmhainn/dhliteanas sa chlár comhardaithe, glan ó cháin iarchurtha (chomh fada agus a meastar iad a bheith in-aisghabhála).

Is é an méid a ghearrtar ar bhrabús oibriúcháin chostas measúnaithe achtúire na sochair pinsin a bhíonn geallta d'fhostaithe a bhíonn gnóthaithe i rith na bliana móide aon fheabhsúcháin sochair a bhíonn deonaithe do chomhaltaí i rith na bliana.

Léirítear an aischur ionchais ar shócmhainní na scéime pinsin i rith na bliana agus an t-ardú i ndlíteanais na scéime a bhíonn dlite de bharr deireadh na lascaine i rith na bliana mar chostais airgeadais sa chuntas brabúis agus cailteanais.

Aithnítear aon difríocht idir aischur ionchais ar shócmhainní agus an méid a fuarthas i ndáiríre agus aon athruithe ar dhlíteanais de bharr athruithe i mbonn tuisceana nó de bharr go raibh taithí iarbhire i rith na bliana difriúil don méid a glacadh leis, mar ghnóthachain agus cailteanais achtúireach sa ráiteas de ghnóthachain agus cailteanais aitheanta iomlána.

I ndáil leis an dlíteanas neamhmaoinithe maidir le haiscí scoir, déantar luach reatha an dliteanais measúnaithe achtúire a thaifeadh in iomlán sa chlár comhardaithe agus méadaítear é do chostas shochair bhreise a ghnóthaítear an bhliain a ghearrtar ar an mbrabús oibriúcháin. Léirítear deireadh na lascaine ar an dlíteanas mar chostas airgeadais sa chuntas brabúis agus cailteanais. Breithnítear athruithe ar dhlíteanas mar thoradh ar athruithe i mbonn tuisceana tomhais nó de bharr go bhfuil taithí iarbhire difriúil don méid a glacadh leis a bheith mar ghnóthachan nó cailteanas achtúireach agus áirítear iad sa chuntas de ghnóthachain agus cailteanais aitheanta iomlána.

11. Airgeadraí Coigríche

Déantar idirbhearta a bhíonn ainmnithe in airgeadra coigríche a aistriú go euro ag an ráta a bhíonn i bhfeidhm ag dátaí na n-idirbhearta. Aistrítear sócmhainní agus dlíteanais airgid a bhíonn ainmnithe in airgeadra coigríche go dtí euro ag an ráta malartaithe a bhíonn i bhfeidhm ag dáta an chláir chomhardaithe nó ag rátaí conartha réamhcheannacháin más infheidhme. Déileáiltear le difríochtaí malartaithe sa chuntas brabúis agus cailteanais.

Aistrítear torthaí de chuid fochuideachtaí thar lear go euro ag an meánráta malartaithe don tréimhse sin. Aistrítear sócmhainní agus dlíteanais de chuid fochuideachtaí thar lear go euro ag na rátaí malartaithe a bhíonn i bhfeidhm ag dáta an chláir chomhardaithe. Tuairiscítear na difríochtaí aistrithe mar ghluaiseacht ar chúlchistí.

Cuntas Brabúis agus Cailteanais Comhdhlúite

don bhliain dar chríoch 31 Nollaig, 2006

	Nótaí	Eisceachtúil		Iomlán	2005
		2006	2006	2006	2005
		€'000	€'000	€'000	€'000
Láimhdeachas – oibríochtaí leanúnacha	2	818,827	-	818,827	752,887
Costais oibríúcháin	3	(804,162)	(20,040)	(824,202)	(736,690)
Brabús/(cailteanas) oibríúcháin – oibríochtaí leanúnacha		14,665	(20,040)	(5,375)	16,197
Míreanna Eisceachtúla – oibríochtaí leanúnacha					
– Brabús glan ar dhíolachán shócmhainní	4			94,700	59,323
– Costais chomhfhiontair na seirbhísí airgeadais a bhunú	4			(13,883)	-
– Costas athstruchtúru bunúsach	4			-	(40,000)
Ioncam airgeadais eile (glan)	18			21,123	5,391
Brabús ar ghnáth ghníomhaíochtaí roimh cánachas	5			96,565	40,911
Cáin ar bhrabús ghnáth ghníomhaíochtaí	6			(20,900)	(201)
Brabús don bhliain airgeadais	7/20			75,665	40,710

Thar ceann an Bhoird

Margaret McGinley

Caothairleach

Donal Connell

Stiúrthóir

Ráiteas Comhdhlúite ar na Gnóthachain agus Cailteanais Aitheanta Iomlána

don bhliain dar chríoch 31 Nollaig, 2006

	Nótaí	2006 €'000	2005 €'000
Brabús don bhliain airgeadais		75,665	40,710
Gnóthachan/(cailteanas) achtúireach ar phleananna iar-fhostaíochta an Post aithnithe	18	118,179	(1,786)
Gnóthachain agus cailteanais aitheanta iomlána		193,844	38,924

Clár Comhardaithe Comhdhlúite

amhail 31 Nollaig, 2006

	Nótaí	2006 €'000	2005 €'000
Sócmhainní Seasta			
Sócmhainní doláimhsithe – dea thoill	9	7,935	12,138
Sócmhainní Inláimhsithe	10	188,262	204,137
Sócmhainní Airgeadais	11	-	-
		196,197	216,275
Sócmhainní Reatha			
Féichiúnaithe	12	89,446	79,434
Airgead sa bhanc agus ar láimh	13	295,049	185,344
		384,495	264,778
Creidiúnaithe: Méideanna a bheidh dlite laistigh de bhliain amháin	14	(179,461)	(148,875)
Glan Sócmhainní Reatha		205,034	115,903
Sócmhainní Iomlána Iúide Dliteanais Reatha			
		401,231	332,178
Creidiúnaithe: Méideanna a bheidh dlite tar éis níos mó na bliain amháin	16	(3,971)	(4,073)
Soláthair do Dhliteanais	17	(78,702)	(88,847)
Glan Sócmhainní gan Dliteanais Phinsin san áireamh		318,558	239,258
Dliteanas Pinsin	18	(193,226)	(307,770)
Glan Sócmhainní/(Dliteanais) le Dliteanas Pinsin san áireamh		125,332	(68,512)
Caipiteal agus Cúlchistí			
Scairchaipiteal Glaoite	19	68,239	68,239
Cúlchiste aistrithe caipitil	19	877	877
Cuntas Brabúis agus Cailteanais	20	56,216	(137,628)
Cistí/(Easnamh) na Scairsealbhóirí	21	125,332	(68,512)

Thar ceann an Bhoird

Margaret McGinley

Cathaoirleach

Donal Connell

Stiúrthóir

Clár Comhardaithe na Cuideachta

amhail 31 Nollaig, 2006

	Nótaí	2006 €'000	2005 €'000
Sócmhainní Seasta			
Sócmhainní Inláimhsithe	10	170,934	186,046
Sócmhainní airgeadais	11	11,431	13,531
		182,365	199,577
Sócmhainní Reatha			
Féichiúnaithe	12	90,572	83,187
Airgead sa bhanc agus ar láimh	13	269,527	165,057
		360,099	248,244
Creidiúnaithe: Méideanna a bheidh dlite laistigh de bhliain amháin	14	(221,021)	(189,411)
Glan-Sócmhainní Reatha		139,078	58,833
Sócmhainní Iomlána lúide Dlíteanais Reatha		321,443	258,410
Creidiúnaithe: Méideanna a bheidh dlite tar éis níos mó ná bliain amháin	16	(2,912)	(2,985)
Soláthair do Dhlíteanais	17	(78,702)	(88,847)
Glan-Sócmhainní gan Dlíteanas Pinsin san áireamh		239,829	166,578
Dlíteanas Pinsin	18	(193,226)	(307,770)
Glan-Sócmhainní/(Dlíteanas) le Dlíteanas Pinsin san áireamh		46,603	(141,192)
Caipiteal agus Cúlchistí			
Scairchaipiteal glaoite	19	68,239	68,239
Cúlchiste aistrithe caipitil	19	877	877
Cuntas Brabúis agus Cailíteanais	20	(22,513)	(210,308)
Cistí/(Easnamh) na Scairsealbhóirí	21	46,603	(141,192)

Thar ceann an bhoird

Margaret McGinley

Cathaoirleach

Donal Connell

Stiúrthóir

Ráiteas faoi Shreabhadh Airgid Comhdhlúite

don bhliain dar críoch 31 Nollaig, 2006

	Nótaí	2006 €'000	2005 €'000
Glan insreabhadh airgid ó ghníomhaíochtaí oibríúcháin (thíos)		37,082	40,888
Aisíoc ar infheistíochtaí agus seirbhísí airgeadais	22	(5)	(56)
Cánachas	22	(17,001)	132
Caiteachas caipitil agus infheistíocht airgeadais	22	93,002	(9,242)
Éadálacha agus Diúscairtí	22	(3,373)	75,957
Insreabhadh Airgid roimh úsáid na hacmhainní leachtacha		109,705	107,679
Bainistiú acmhainní leachtacha	22	(60,029)	(84,442)
Ardú ar airgead tirim sa bhliain		49,676	23,237

Réiteach brabúis oibríúcháin roimh mír eisceachtúil le glan-insreabhadh airgid ó ghníomhaíochtaí oibríúcháin

	2006 €'000	2005 €'000
Brabús oibríochta roimh mhír eisceachtúil	14,665	16,197
Dámhachtainí pá aisbhreathnaitheacha	(20,040)	-
Dímheas	21,630	27,067
Brabús ar dhíolachán sócmhainní seasta inláimhsithe seachas talamh agus foirgnimh	(145)	(185)
Gluaiseacht i soláthair d'athstruchtúró gnó	(10,145)	(20,815)
Costas pinsin nach airgead é	24,758	12,840
Deontais Chaipitil amúchta	(102)	(102)
Costais chomhfhiontair na seirbhísí airgeadais a bhunú	(7,322)	(4,561)
Cáilmheas amúchta/lagaithe	4,203	2,263
Ús iníochta	5	56
(Méadú) ar fheichiúnaithe oibríochta	(13,023)	(6,112)
Méadú ar chreidiúnaithe oibríochta	22,598	14,240
Glan-insreabhadh airgid ó ghníomhaíochtaí oibríúcháin	37,082	40,888

Réiteach glansreabhadh airgid le gluaiseacht i nglanchistí

	Nótaí	2006 €'000	2005 €'000
Méadú ar airgead sa bhliain	23	49,676	23,237
Insreabhadh airgid ó athrú in acmhainní leachtacha	23	60,029	84,442
Athrú i nglan chistí de bharr sreabhadh airgid	23	109,705	107,679
Airgead as fochuideachtaí a díoladh	23	-	(11,750)
Glan-chistí ag tús na bliana	23	185,344	89,415
Glan-chistí ag deireadh na bliana	23	295,049	185,344

Nótaí leis na Ráitis Airgeadis

don bhliain dar críoch 31 Nollaig, 2006

1. Stádas na Cuideachta

Is cuideachta dliteanais teoranta í an Chuideachta, ionchorpraithe faoi Achtanna na gCuideachtaí, 1963 go 2006. Tá an Chuideachta i dteideal an focal 'Teoranta' a fhágáil ar lár ina hainm faoi Acht na Seirbhísí Poist agus Teileachumarsáide 1983.

2. Láimhdeachas

	2006 €'000	2005 €'000
Tá anailís déantar an an láimhdeachas mar seo a leanas:		
Poblacht na hÉireann		
Postas: Litreacha agus beartáin	594,309	543,411
Postas: Toghacháin agus reifrinn	-	691
Oifigí Poist: Gníomhaireacht, seoltán agus seirbhísí eile	144,230	135,963
Seirbhísí Eile	44,848	44,141
Ioncam Úis	9,548	5,259
	792,935	729,465
An Ríocht Aontaithe agus Tíortha eile san Eoraip		
Seirbhísí Eile	25,892	23,422
	818,827	752,887

Dar leis na stiúrthóirí, dhéanfaí dochar mór do leasanna an Ghrúpa dá gcomhlíonfaí ceanglais nochtaithe SSAP 25 'Tuairisciú Teascánach' níos mó fós.

3. Costais Oibriúcháin

	2006 €'000	2005 €'000
Costais foirne agus máistrí poist roimh mír eisceachtúil	558,080	514,105
Mír eisceachtúil – dámhachtainí pá aisbhreathnaitheacha (nóta 4)	20,040	-
Iomlán (nóta 8)	578,120	514,105
Costais eile:		
Dáileadh	73,044	62,647
Cóiríocht	31,477	24,648
Oibriúchán	77,179	72,321
Riarachán	38,549	33,639
Dímheas, amúchadh & cáilmheas lagaithe	25,833	29,330
	824,202	736,690

Nótaí leis na Ráitis Airgeadais ar leanúint

4. Míreanna Eisceachtúla

	2006 €'000	2005 €'000
Dámhachtainí pá aibhreachnaitheacha	20,040	-
Brabús ar dhíolachán fochuideachtaí	1,177	59,323
Brabús ar dhíolachán sócmhainní seasta	93,523	-
Brabús glan ar dhíolacháí shócmhainní	94,700	59,323
Costais chomhfhiontair na seirbhísí airgeadais a bhunú	(13,883)	-
Costas athstruchtúrú bunúsach	-	(40,000)

Dámhachtainí Pá Aibhreachnaitheacha

I mí Dheireadh Fómhair 2006, shocraigh an Chuideachta dámhachtainí pá aibhreachnaitheach dlite a íoc leis an bhfoireann, a mhol an Chúirt Oibreachais go raibh a n-íocaíocht ag brath ar an gCuideachta a mbrabús a bheith réasúnta agus inbhuanaithe agus mar a cheadófaí di trína imthosca airgeadais agus tráchtála. B'ionann suim na n-íocaíochtaí aibhreachnaitheacha seo a bhí san áireamh i dtoradh oibriúcháin na bliana agus €20,040,000.

Brabús ar fochuideachtaí a dhíol

An 15 Márta, 2005, dhíol an Grúpa a fochuideachtaí PostTS UK. Limited agus An Post Transaction Services S.A. ar chomaoin de €82,700,000 glan ó chostais idirbhearta agus bhí brabús de €59,323,000 mar thoradh ar sin. Fuarthas suim bhreise de €1,177,000 glan ó tháillí gaolmhara tar éis saincheisteanna barrántais chonartha a réiteach. Aithníodh an tsuim sin i rith na bliana dár críoch 31 Nollaig, 2006.

Brabús ar dhíol shócmhainní seasta

I rith na bliana, rinne an Grúpa former parcels depot ar Bhóthar Nás na Rí, i mBaile Átha Cliath a dhíúscairt ar chomaoin de €107,000,000 agus bhí brabús roimh cháin de €93,523,000 mar thoradh ar sin. Íocadh Cáin Ghnóthachain Chaipitil de €16,800,000 i rith na bliana i leith an diúscairt sin.

Costais bhunaithe comhfhiontair Sheirbhísí Airgeadais

I mí Dheireadh Fómhair 2006, chuaigh an Chuideachta i mbun comhaontaithe le Fortis chun cuideachta comhfhiontair a sholáthar chun seirbhísí bainc a chur ar fáil do mhargadh na hÉireann. Creideann na stiúrthóirí gur athstruchtúrú bunúsach ar ghnó na Cuideachta é sin. Faoi théarmaí an chomhaontaithe, beidh ranníoc An Post comhdhéanta dá ghnólachtaí Postpoint agus An Post Direct Limited nuair a chomhlíonfar coinníollacha áirithe. Táthar ag súil go mbunófar an comhfhiontar i 2007.

B'ionann costais a thabhaigh An Post i ndáil leis an bpróiseas comhpháirtí comhfhiontair a aithint agus a roghnú, idirbheartaíochtaí agus síniú an chomhaontaithe ina dhiaidh sin agus €13,883,000.

5. Brabús ar Ghnáthghníomhaíochtaí Roimh Chánachas

	2006 €'000	2005 €'000
Luaitear an brabús ar ghnáthghníomhaíochtaí roimh chánachas tar éis a mhuirir:		
Díolaíochtaí na stiúrthóirí		
Táillí	278	213
Díolaíochtaí eile	396	338
Ranníoca Pinsin	69	65
Luach saothair na n-Iniúcháirí	300	287
Dímheas	21,630	27,067
Amúchadh/Lagú cáilmheasa	4,203	2,263
Léaschíosanna atá ag oibriú:		
Foirgnimh ar chíos	7,312	7,442
Eile – trealamh agus mótarfheithiclí	4,853	3,363
Ús iníochta ar shaoráidí bainc iníochta laistigh de bhliain amháin agus muirir chomhchosúla	5	56
Agus tar éis creidiúnaithe:		
Deontais chaipitil amúchta	102	102

Ní áirítear ar na méideanna atá taispeáinte thuas mar dhíolaíochtaí stiúrthóirí ach amháin na méideanna a íoctar le stiúrthóirí i bhfeidhmiú a ndualgas mar stiúrthóirí agus tuarastal an Phríomhfheidhmeannaigh, ar stiúrthóir é freisin. Seachas sin, ní chuirtear tuarastail na stiúrthóirí fostaithe agus máistrí poist san áireamh.

Ba mar seo a leanas a bhí pacáiste luach saothair an Uasail Donal Curtin a scor óna phost mar Phríomhoifigeach Feidhmiúcháin an 13 Iúil, 2006 agus atá san áireamh sna suimeanna a léirítear thuas mar luach saothair na stiúrthóirí:

	2006 €'000	2005 €'000
Táille an stiúrthóra	9	13
Bunthuarastal	170	261
Pá neamh-inphinsin a bhain le feidhmíocht	58	64
Sochair incháinithe lena n-áirítear úsáid a bhaint as carr cuideachta	10	13
	247	351
Ranníoca Pinsin	43	65
	290	416

Nótaí leis na Ráitis Airgeadis ar leanúint

5. Brabús ar Ghnáthghníomhaíochtaí Roimh Chánachas (ar leanúint)

Ba mar seo a leanas a bhí pacáiste luach saothair an Uasail Donal Connell a ceapadh ina Phríomhoifigeach Feidhmiúcháin an 14 Lúnasa, 2006 agus atá san áireamh sna suimeanna a léirítear thuas mar luach saothair na stiúrthóirí:

	2006 €'000	2005 €'000
Táille an stiúrthóra	7	-
Bunthuarastal	130	-
Pá neamh-inphinsin a bhain le feidhmíocht	21	-
Sochair incháinithe lena n-áirítear úsáid a bhaint as carr cuideachta	7	-
	165	-
Ranníoca Pinsin	26	-
	191	-

6. Cáin ar Bhrabús ar Ghnáthghníomhaíochtaí

	2006 €'000	2005 €'000
Cáin reatha		
Éire- Cáin ar Ghnóthachain Chaipitiúla	16,800	-
Éire – Cáin chorparáide	3,551	-
An Ríocht Aontaithe – Cáin Chorparáide	549	201
	20,900	201

6. Cáin ar Bhrabús ar Ghnáthghníomhaíochtaí (ar leanúint)

Tá an muirear cánach níos ísle ná an ráta caighdeánach cánach corparáide in Éirinn.

Mínítear na difríochtaí thíos:

	2006 €'000	2005 €'000
Brabús ar ghnáthghníomhaíochtaí roimh cháin	96,565	40,911
Cáin reatha de 12.5% (2005: 12.5%)	12,071	5,114
<i>Tionchar:</i>		
Speansais nach bhfuil inaisbhainte	573	360
Liúntais chaipitiúil atá sa bhreis ar dhímheas	562	(883)
Faoiseamh ó cháin corparáide déantúsaíochta	-	(16)
Ioncam a ngearrtar cáin air ag rátaí níos airde	1,645	918
Cailteanais chánach in úsáid	(1,055)	(1,266)
Cailteanais chánach nar úsáideadh	-	6,229
Brabús ar shócmhainní a díoladh ag rátaí cánacha níos airde	5,110	-
Costais eisceachtúla nach bhfuil inaisbhainte	1,735	-
Brabús ar dhíolachán fochuideachtaí nach bhfuil incháinithe	(324)	(7,567)
Difríochtaí uainiúcháin gearrthéarmacha	583	(2,688)
Muirear cánach reatha	20,900	201

De bharr éiginnteachta ó thaobh brabúis incháinithe sa todhchaí, níl sócmhainn cánach iarchurtha de €32,777,000 (2005: €50,649,000), a d'fhéadfadh a bheith ann, aitheanta sa chlár comhardaithe comhdhlúite an 31 Nollaig, 2006. Tá an tsócmhainn cánacha iarchurtha nach bhfuil aitheanta comhdhéanta de shócmhainn cánach iarchurtha i ndáil le glan-easnamh pinsin aitheanta de €24,153,000 (2005: €38,471,000), de dhifríochtaí uainiúcháin ar athstruchtúrú gnó, €2,381,000 (2005: €2,381,000), na cailteanais chánach ar aghaidh nar úsáideadh, €12,114,000 (2005: €13,245,000), atá á bhfritháireamh ag difríochtaí uainiúcháin de €5,871,000 (2005: €3,448,000).

7. Brabús don Bhliain Airgeadais

	2006 €'000	2005 €'000
Brabús/(cailteanas) na cuideachta sealbhaíochta tar éis cánach	69,616	(25,979)
Brabús tar éis cánach i bhfoghnothais	6,049	66,689
	75,665	40,710

Níor ullmhaíodh cuntas brabúis agus cailteanais ar leith do An Post mar gheall gur comhlíonadh na coinníollacha a leagadh síos in Alt 3(2) d'Acht na gCuideachtaí (Leasú), 1986.

Nótaí leis na Ráitis Airgeadais ar leanúint

8. Uimhreacha Foirne agus Costais

	2006	2005
Seo a leanas meanlín na ndaoine a bhí ag obair sa Ghrúpa le linn na bliana:		
Ceanncheathrú	561	557
Coigiltis/Seirbhísí Íocaíochta	301	306
Cigireacht	37	41
Fir Phoist/Mná Poist	4,249	4,426
Sortálaithe Poist	1,280	1,238
Cléireacha Oifige Poist	1,026	1,068
Gráid Eile	683	753
Sealadach	1,379	1,163
lomlán na bhFostaithe de chuid An Post	9,516	9,552
Fochuideachtaí	496	478
Fostaithe lomlán Grúpa	10,012	10,030
Máistrí Poist: fostaithe mar ghníomhairí	1,300	1,349

	2006 €'000	2005 €'000
Is mar seo a leanas a bhí costais phárolla chomhiomlána na ndaoine sin:		
Pá, tuarastail agus costais na máistrí poist	477,917	430,708
Costais Leasa Shóisialaigh	30,228	27,916
Costais phinsin eile (nóta 18)	69,975	55,481
	578,120	514,105

I mí Dheireadh Fómhair 2006, shocraigh an Chuideachta dámhachtainí pá aibhreathnaitheach dlite a íoc leis an bhfoireann, a mhol an Chúirt Oibreachais go raibh a n-íocaíocht ag brath ar an gCuideachta a mbrabús a bheith réasúnta agus inbhuanaithe agus mar a cheadófaí di trína imthosca airgeadais agus tráchtála. B'ionann suim na n-íocaíochtaí aibhreathnaitheacha seo a bhí san áireamh thuas i 2006 agus €20,040,000 agus tá costais phinsin de €2,737,000 san áireamh leo.

9. Sócmhainní Seasta Inláimhsithe – Cáilmheas

Grúpa

	Iomlán €'000
Costas	
Amhail an 31 Nollaig, 2005 agus 2006	22,441
Amúchadh	
Amhail an 31 Nollaig, 2005	10,303
Muirear i rith na bliana	2,103
Soláthar do lagú	2,100
Amhail an 31 Nollaig, 2006	14,506
Glanluach na Leabhar	
Amhail an 31 Nollaig, 2006	7,935
Amhail an 31 Nollaig, 2005	12,138

Léiríonn an soláthar do lagú cáilmheasa measúnú de luach carraeireachta foluiteach cáilmheasa. Tá ráta lascaire de thuarim is 15% in úsáid i ndáil leis seo.

Nótaí leis na Ráitis Airgeadais ar leanúint

10. Sócmhainní Seasta Inláimhsithe

Grúpa	Foirgnimh & talamh ar Shaorshealús & ar Léas-Shealús Fada €'000	Leas in Ard-Oifig an Phoist €'000	Mótar-fheithiclí €'000	Ríomhaire & Trealamh eile €'000	lomlán €'000
Costas					
Amhail an 31 Nollaig, 2005	181,851	26,180	32,305	216,000	456,336
Breiseanna	4,840	249	255	13,586	18,930
Diúscairtí	(16,079)	-	(4,413)	(4,548)	(25,040)
Difríochtaí malartaithe	-	-	-	29	29
Amhail an 31 Nollaig, 2006	170,612	26,429	28,147	225,067	450,255
Dímheas Carntha					
Amhail an 31 Nollaig, 2005	34,970	8,189	28,571	180,469	252,199
Muirear i rith na bliana	3,664	655	2,029	15,282	21,630
Díothaithe ar dhiúscairtí	(3,032)	-	(4,304)	(4,517)	(11,853)
Difríochtaí malartaithe	-	-	-	17	17
Amhail an 31 Nollaig, 2006	35,602	8,844	26,296	191,251	261,993
Glanluach Leabhar					
Amhail an 31 Nollaig, 2006	135,010	17,585	1,851	33,816	188,262
Amhail an 31 Nollaig, 2005	146,881	17,991	3,734	35,531	204,137
Cuideachta					
Grúpa	Foirgnimh & talamh ar Shaorshealús & ar Léas-Shealús Fada €'000	Leas in Ard-Oifig an Phoist €'000	Mótar-fheithiclí €'000	Ríomhaire & Trealamh eile €'000	lomlán €'000
Costas					
Amhail an 31 Nollaig, 2005	161,758	26,180	32,230	204,104	424,272
Breiseanna	4,840	249	255	12,586	17,930
Diúscairtí	(16,079)	-	(4,471)	(4,263)	(24,813)
Amhail an 31 Nollaig, 2006	150,519	26,429	28,014	212,427	417,389
Dímheas Carntha					
Amhail an 31 Nollaig, 2005	30,092	8,189	28,627	171,318	238,226
Muirear i rith na bliana	3,276	655	1,995	13,960	19,886
Díothaithe ar dhiúscairtí	(3,032)	-	(4,365)	(4,260)	(11,657)
Amhail an 31 Nollaig, 2006	30,336	8,844	26,257	181,018	246,455
Glanluach Leabhar					
Amhail an 31 Nollaig, 2006	120,183	17,585	1,757	31,409	170,934
Amhail an 31 Nollaig, 2005	131,666	17,991	3,603	32,786	186,046

Grúpa agus Cuideachta

Tá an ghné dímheasa d'fhoirgnimh & talamh ar shaorshealús & ar léas-shealús fada cothrom le: Grúpa €144,983,000 (2005: €155,796,000), Cuideachta €128,217,000 (2005: €139,023,000).

11. Sócmhainní Seasta Airgeadais

	Grúpa		Cuideachta	
	2006 €	2005 €	2006 €	2005 €
Scaireanna i bhfoghnóthais, ag costas	102	102	11,430,777	13,530,777
Leas i gcomhfhiontar agus i ngóthas bhainteachas	163	163	163	163
	265	265	11,430,940	13,530,940

Is mar seo a leanas a bhí gluaiseachtaí i rith na bliana:

Scaireanna i bhfoghnóthais				
Ag tús na bliana	102	102	13,530,777	13,498,881
Breiseanna – comaoin iarchurtha íoctha	-	-	-	31,896
Soláthar do lagú	-	-	(2,100,000)	-
Ag deireadh na bliana	102	102	11,430,777	13,530,777

Seachas mar atá tugtha ar aird thuas, i dtuairim na stiúrthóirí, níl luach na scaireanna, nach bhfuil ceachtar díobh liostaithe, níos lú ná an méid iompair.

12. Féichiúnaithe

	Grúpa		Cuideachta	
	2006 €'000	2005 €'000	2006 €'000	2005 €'000
Méideanna a bheidh dlite laistigh de bhliain amháin				
Féichiúnaithe trádála	61,979	50,562	48,303	39,738
Méideanna dlite ag foghnóthas nach bhfuil comhdhlúite	819	512	819	512
Méideanna dlite ag foghnóthais eile	-	-	710	1,099
Méideanna dlite ag gnóthas bainteach	165	198	165	198
Féichiúnaithe eile	8,241	4,867	8,196	4,788
Réamhíocaíochtaí agus ioncam fabhráithe	18,242	23,295	16,158	20,886
	89,446	79,434	74,351	67,221
Méideanna a bheidh dlite tar éis níos mó ná bliain amháin				
Méideanna dlite ag foghnóthais	-	-	16,221	15,966
	89,446	79,434	90,572	83,187

Nótaí leis na Ráitis Airgeadís ar leanúint

13. Airgead Tirim sa Bhanc agus ar Láimh

	Grúpa		Cuideachta	
	2006 €'000	2005 €'000	2006 €'000	2005 €'000
Airgead tirim sa bhanc	50,201	50,377	24,679	30,094
Airgead tirim ar láimh	193,966	194,095	193,966	194,091
	244,167	244,472	218,645	224,185
Taiscí téama	284,327	224,298	284,327	224,298
Lúide: Méideanna in iontaobhas	(233,445)	(283,426)	(233,445)	(283,426)
	295,049	185,344	269,527	165,057

14. Creidiúnaithe: Méideanna dlite laistigh de bhliain amháin

	Grúpa		Cuideachta	
	2006 €'000	2005 €'000	2006 €'000	2005 €'000
Creidiúnaithe trádála	51,249	43,675	40,311	32,051
Méideanna dlite d'fhoghnóthais	-	-	60,469	56,442
Creidiúnaithe eile	4,304	4,462	3,846	3,945
Cánachas agus leas shóisialach (nóta 15)	15,855	18,395	12,758	17,215
Fabhruithe	86,035	64,399	81,648	61,843
Ioncam iarchurtha – deontais chaipitil (nóta 16)	102	102	73	73
Ioncam postais iarchurtha	21,916	17,842	21,916	17,842
	179,461	148,875	221,021	189,411

15. Cánachas agus Leas Sóisialach

	Grúpa		Cuideachta	
	2006 €'000	2005 €'000	2006 €'000	2005 €'000
Cáin chorparáide	4,100	201	2,300	-
Cáin Ioncaim asbhainte faoi ÍMAT	7,428	9,846	7,186	9,661
Árachas sóisialach a-bhoibhneasa	5,020	5,614	4,800	5,460
Cáin bhreisluacha	(1,232)	2,512	(2,068)	1,872
Seirbhísí gairmiúla ag siarchoinneáil cánach	539	222	540	222
	15,855	18,395	12,758	17,215

16. Creidiúnaithe: Méideanna dlite tar éis níos mó ná bliain amháin

	Grúpa		Cuideachta	
	2006 €'000	2005 €'000	2006 €'000	2005 €'000
Ioncam larchurtha – deontais chaipitil	3,971	4,073	2,912	2,985
Seo a leanas na gluaiseachtaí maidir le deontais:				
Ag tús na bliana	4,175	4,277	3,058	3,131
Amúchta chuig chuntas brabúis agus cailteanais	(102)	(102)	(73)	(73)
Ag deireadh na bliana	4,073	4,175	2,985	3,058
Aistrithe chuid creidiúnaithe: méideanna dlite laistigh de bhliain amháin	(102)	(102)	(73)	(73)
	3,971	4,073	2,912	2,985

17. Soláthar do Dhliteanais

Grúpa agus Cuideachta

	2006 €'000	2005 €'000
Athstruchtúrú Gnó	78,702	88,847

B'iad seo a leanas na gluaiseachtaí le linn na bliana:

	iomlán €'000
Ag tús na bliana	88,847
Úsáidte i rith na bliana	(10,145)
Ag deireadh na bliana	78,702

Áiríodh sa soláthar d'athstruchtúrú gnó an 31 Nollaig 2006 €59,656,000 (2005: €69,801,000) i ndáil le costais iomarcaíochta athstruchtúraithe gnó, agus €19,046,000 (2005: €19,046,000) i ndáil le tabhairt isteach Phlean Úinéireachta Scaireanna d'Fhostaithe (ESOP). Táthar ag súil ag mbeidh athstruchtúrú gnó tugtha chun críche faoin 31 Nollaig 2009.

Nótaí leis na Ráitis Airgeadis ar leanúint

18. Pinsin agus Oibleagáidí Cosúla

Tagann teidlíochtaí pinsin fhostaithe chun cinn faoi roinnt scéimeanna pinsin ranníoca sainmhínithe agus sochair sainmhínithe, bíonn na sócmhainní dílsithe in iontaobhaithe neamhspleácha a bhíonn ceaptha ag an gCuideachta do shochair fhostaithe agus a gcleithiúnaithe agus sin amháin. Bíonn ranníoca bliantúla bunaithe ar chomhairle achtúire cáilithe gairmiúil.

Seo a leanas na méideanna a muirear i rith na bliana ar chostais oibriúcháin:

	2006 €'000	2005 €'000
Scéimeanna sochair sainmhínithe – costas seirbhíse reatha	68,435	54,000
Scéimeanna scoir neamh-mhaoinithe – costas seirbhíse reatha	968	850
Scéim ranníoca sainmhínithe	572	631
	69,975	55,481

Tháinig costais sheirbhíse roimhe se de €4,306,000 (2005: €nil) chun cinn i rith na bliana. Urscaoileadh iad sin tríd a soláthar athstruchtúraithe a úsáid (nóta 17) agus ní raibh aon tionchar acu ar an gcuntas brabúis agus cailleanais don bhliain dar críoch an 31 Nollaig, 2006.

Déantar costais phinsin scéimeanna sochair sainmhínithe a mheas de réir chomhairle achtúire cáilithe neamhspleách gairmiúil. Rinneadh na luachálacha achtúire is déanaí an 1 Eanáir, 2005 ag baint úsáide as an modh aoise slánaithe agus táthar dóthanach chun 99.9% de na dliteanais fabhráithe a chlúdach. Ba é an príomhbhonn tuisceana achtúire, thar an bhfadtearma, go mbeadh an ráta aiscur bliantúil ar infheistíochtaí 2.0% níos airde ná an t-ardú bliantúil i luach saothair inphinsin. Mhol an luacháil achtúire an 1 Eanáir, 2005 ráta ranníoca de 14.4% de luach saothair inphinsin. Níl na luachálacha achtúire ar fáil do scrúdú poiblí agus tá torthaí na luachálacha curtha ar aird chomhaltaí na scéimeanna.

Tá na luachálacha de na scéimeanna pinsin a úsáideadh d'fhonn nochtadh FRS 17 bunaithe ar na luachálacha achtúire is déanaí mar a aithníodh thuas agus thug achtúiríthe neamhspleácha cothrom le dáta iad go dtí an 31 Nollaig, 2006. Luaitear sócmhainní na scéime ag luach an mhargaidh amhail dáta an chlár chomhardaithe.

18. Pinsin agus Oibleagáidí Cosúla (ar leanúint)

Seo a leanas na boinn tuisceana airgeadais ar baineadh leas astu chun dliteanais sochair scoir faoi FRS 17 a ríomh:

	2006	2005	2004
An Modh Luachála	Aonad Fortheilgthe	Aonad Fortheilgthe	Aonad Fortheilgthe
Ráta Lascaine	4.70%	4.25%	4.85%
Ráta Boilscithe	2.00%	2.00%	2.00%
Ardú ar phinsin in íocaíocht	3.75%	3.75%	4.00%
Ardú i dtuarastail inphinsin	3.75%	3.75%	4.00%
Ba iad na rátaí ionchais aiscur fadtéarmacha ar shócmhainní na scéime pinsin:	2006	2005	2004
Gnáthscaireanna	7.60%	7.10%	7.30%
Bannaí	4.20%	3.50%	3.80%
Eile	5.10%	4.80%	4.30%

Ba é luch margaidh sócmhainní na scéimeanna sochair sainmhínithe an 31 Nollaig, 2006, 2005 agus 2004 ná:

	2006 €'000	2005 €'000	2004 €'000
Scaireanna	1,477,000	1,326,000	1,039,000
Bannaí	510,000	504,000	430,000
Eile	166,000	158,000	177,000
Luach margaidh iomlán sócmhainní na scéimeanna	2,153,000	1,988,000	1,646,000
Luach reatha dhliteanais na scéimeanna pinsin	(2,333,000)	(2,282,000)	(1,932,000)
Glan-easnamh sna scéimeanna pinsin maoinithe	(180,000)	(294,000)	(286,000)

Nótaí leis na Ráitis Airgeadais ar leanúint

18. Pinsin agus Oibleagáidí Cosúla (ar leanúint)

Gluaiseacht in easnamh i rith na bliana

	2006			2005		
	Scéimeanna €'000	Neamh- Mhaoinithe €'000	Iomlán €'000	Scéimeanna €'000	Neamh- Mhaoinithe €'000	Iomlán €'000
Easnamh i scéimeanna ag tús Na bliana	(294,000)	(13,770)	(307,770)	(286,000)	(12,535)	(298,535)
Costas seirbhíse reatha	(68,435)	(968)	(69,403)	(54,000)	(850)	(54,850)
Costas Seirbhíse Roimhe seo	(4,306)	-	(4,306)	-	-	-
Ranníoca íoctha	47,688	1,263	48,951	41,199	811	42,010
Ioncam/(speansais) airgeadais eile	21,700	(577)	21,123	6,000	(609)	5,391
Gnóthachan/(cailteanas) achtúireach	117,353	826	118,179	(1,199)	(587)	(1,786)
Easnamh sa scéim ag deireadh na bliana	(180,000)	(13,226)	(193,226)	(294,000)	(13,770)	(307,770)

Ioncam Airgeadais Eile

	2006			2005		
	Scéimeanna €'000	Neamh- Mhaoinithe €'000	Iomlán €'000	Scéimeanna €'000	Neamh- Mhaoinithe €'000	Iomlán €'000
Ús ar dhliteanais scéime	(97,000)	(577)	(97,577)	(94,000)	(609)	(94,609)
Aiscur ionchais ar shócmhainní scéime	118,700	-	118,700	100,000	-	100,000
	21,700	(577)	21,123	6,000	(609)	5,391

Déantar anailís ar ghnóthachain agus cailteanais achtúireacha mar seo a leanas:

	2006			2005		
	Scéimeanna €'000	Neamh- Mhaoinithe €'000	Iomlán €'000	Scéimeanna €'000	Neamh- Mhaoinithe €'000	Iomlán €'000
Difríocht idir aiscur ionchais agus aiscur Iarbhír ar shócmhainní	66,000	-	66,000	257,000	-	257,000
Gnóthachain agus cailteanais Experience Ar dhliteanais scéime	(43,000)	-	(43,000)	(2,000)	(587)	(2,587)
Athruithe i mboinn tuisceana a bhíonn mar Bhonn de luach reatha dliteanais na scéime	94,353	826	95,179	(256,199)	-	(256,199)
Gnóthachain/(cailteanais) achtúire aitheanta	117,353	826	118,179	(1,199)	(587)	(1,786)

18. Pinsin agus Oibleagáidí Cosúla (ar leanúint)

Stair gnóthachain agus cailteanais achtúireach

	2006 €'000	2005 €'000	2004 €'000	2003 €'000	2002 €'000
Difríocht idir aiscur ionchais agus aiscur iarbhír Ar shócmhainní	66,000	257,000	85,000	45,000	(394,000)
Léirithe mar chéatadán de na sócmhainní scéime	3%	13%	5%	3%	(29%)
Taithí gnóthachain agus cailteanais ar dhliteanais scéime	(43,000)	(2,000)	(65,000)	(79,000)	242,000
Léirithe mar chéatadán de dhliteanais scéime	(2%)	(0%)	(3%)	(5%)	17%
Gnóthachain agus cailteanais achtúireach iomlána	117,353	(1,199)	(110,000)	(106,000)	(215,000)
Léirithe mar chéatadán de dhliteanais scéime	5%	(0%)	(6%)	(6%)	(15%)

19. Scairchaipiteal

Grúpa agus Cuideachta

	2006 €'000	2005 €'000
Údaraithe:	100,000	100,000
80,000,000 Gnáthscair ag €1.25 an ceann		
Leithroinnte, glaoite agus íoctha ina n-íomláine:	68,239	68,239
54,590,946 Gnáthscair ag €1.25 an ceann		

An 14 Eanáir, 2003, de bhun Alt 26 den Acht um Aontas Eacnamaíoch agus Airgeadaíochta, 1998 rinneadh athainmniú ar scaireanna na Cuideachta ó €1.269738 go €1.25 an scair agus aistríodh suim de €877,000 chuig cúlchiste comhshóite caipitil.

20. Cuntas Brabúis agus Cailteanais

	Grúpa		Cuideachta	
	2006 €'000	2005 €'000	2006 €'000	2005 €'000
Ag tús na bliana	(137,628)	(176,552)	(210,308)	(182,543)
Brabús/(cailteanas) don bhliain airgeadais	75,665	40,710	69,616	(25,979)
Gnóthachain/(Cailteanais) aitheanta eile	118,179	(1,786)	118,179	(1,786)
Ag deireadh na bliana	56,216	(137,628)	(22,513)	(210,308)

Nótaí leis na Ráitis Airgeadais ar leanúint

21. Réiteach Chistí/(Easnamh) na Scairshealbhóirí

	Grúpa		Cuideachta	
	2006 €'000	2005 €'000	2006 €'000	2005 €'000
Ag tús na bliana	(68,512)	(107,436)	(141,192)	(113,427)
Brabús/(caillteanas) don bhliain airgeadais	75,665	40,710	69,616	(25,979)
Gnóthachain/(Cailteanais) aitheanta eile	118,179	(1,786)	118,179	(1,786)
Cistí/(Easnamh) na scairshealbhóirí ag deireadh na bliana	125,332	(68,512)	46,603	(141,192)

22. Sreabhadh Airgid Comhlán

	2006 €'000	2005 €'000
Aischiur ar infheistíochtaí agus seirbhísí airgeadais		
Ús a íocadh	(5)	(56)
Cánachas		
Cáin (a íocadh)/aisíochta	(17,001)	132
Caiteachas caipitil agus infheistíocht airgeadais		
Ceannach sócmhainní seasta inláimhsithe	(16,853)	(9,629)
Diúscairt sócmhainní seasta inláimhsithe	109,855	387
	93,002	(9,242)
Fáil agus Diúscairt		
Diúscairt gnóthais fhochuideachta (nóta 4)	1,177	76,200
Costais bhunaithe do chomhfhiontar seirbhísí airgeadais	(4,550)	-
Fáil ghnóthais fhochuideachta	-	(243)
	(3,373)	75,957
Bainistiú achmhainní leachtacha (nóta a)		
Méadú i dtaisc téarm	(60,029)	(84,442)

Nóta a: Tá acmhainní leachtacha comhdhéanta de thaisc téarma le tréimhse fógra aibíochta de níos mó ná lá amháin.

23. Anailís ar Ghlan-chistí

	Ag ús na bliana €'000	Sreabhadh Airgid €'000	Ag deireadh na bliana €'000
Airgead tirim sa bhanc agus ar láimh	244,472	(305)	244,167
Méideanna in iontaobhas	(283,426)	49,981	(233,445)
		49,676	
Taiscí téarma	224,298	60,029	284,327
Iomlán	185,344	109,705	295,049

24. Foghnóthais Agus Gnóthais Bhainteacha

Ainm	Cineál Gnó	% Sealúchas	Oifig Chláraithe
Foghnóthais faoi shealús díreach ag an gCuideachta			
Cuideachta chrannchur Náisiúnta An Post (nóta 27)	Feidhmiú an Chrannchuir Náisiúnta	80%	Ard-Oifig an Phoist Sráid Uí Chonaill, BÁC 1.
Arcade Property Company Limited	Forbairt Maoine agus ligean	100%	Ard-Oifig an Phoist Sráid Uí Chonaill, BÁC 1.
Post Consult International Limited	Seirbhísí bogearraí ríomhaire	100%	Ard-Oifig an Phoist Sráid Uí Chonaill, BÁC 1.
Precision Marketing Information Limited	Soláthar bunachair sonraí agus seirbhísí bunachair sonraí agus Eolairí gnó	100%	Ard-Oifig an Phoist Sráid Uí Chonaill, BÁC 1.
Prince's Street Property Company Limited	Forbairt Maoine agus ligean	100%	Ard-Oifig an Phoist Sráid Uí Chonaill, BÁC 1.
Printpost Limited	Líon Mór Priontála	100%	Ard-Oifig an Phoist Sráid Uí Chonaill, BÁC 1.
Post.Trust Limited	Teastasú digiteach agus seirbhísí slándála	100%	Ard-Oifig an Phoist Sráid Uí Chonaill, BÁC 1.
JMC Van Trans Limited	Teachtaire agus dáileadh	100%	Ard-Oifig an Phoist Sráid Uí Chonaill, BÁC 1.
Transpost Limited	Teachtaire agus dáileadh	100%	Ard-Oifig an Phoist Sráid Uí Chonaill, BÁC 1.
Waldermar Limited	Teachtaire agus dáileadh	100%	Ard-Oifig an Phoist Sráid Uí Chonaill, BÁC 1.
Kompass Ireland Publishers Limited	Neamhghníomhach	100%	Ard-Oifig an Phoist, Sráid Uí Chonaill, BÁC 1.
An Post Billpost Processing Services Limited	Próiseáil Íocaíochta Billí	100%	Ard-Oifig an Phoist Sráid Uí Chonaill, BÁC 1.
An Post BV	Cuideachta Shealbháíochta	100%	Locatellekade 1, Parnassustoren, 1076 AZ Amsterdam. An Ísiltír
An Post GeoDirectory Limited	Seirbhísí Bunachair Sonraí	100%	Ard-Oifig an Phoist Sráid Uí Chonaill, BÁC 1.

Nótaí leis na Ráitis Airgeadais ar leanúint

24. Foghnóthais Agus Gnóthais Bhainteacha (ar leanúint)

Ainm	Cineál Gnó	% Sealúchas	Oifig Chláraithe
Foghnóthais faoi shealús díreach ag an gCuideachta			
An Post Direct Limited	Seirbhísí Airgeadais	100%	Ard-Oifig an Phoist Sráid Uí Chonaill, BÁC 1.
An Post Direct Management Services Limited	Neamhghníomhach	100%	Ard-Oifig an Phoist Sráid Uí Chonaill, BÁC 1.
An Post (NI) Limited	Cuideachta shealbháochta	100%	Stokes House, College Square East, Béal Feirste.
Air Business Limited	Dáileadh	100%	4, The Merlin Centre, Acrewood Way, St. Albans Herts, UK.
Gníomhas bainteach faoi shealús díreach ag an gCuideachta			
The Prize Bond Company Limited	Riarachán na Scéime Duaisbhannaí	50%	Ard-Oifig an Phoist, Sráid Uí Chonaill, BÁC 1.
Comhfhiontar			
Wizard Direct Stationery Company Limited	Neamhghníomhach	50%	Ard-Oifig an Phoist Sráid Uí Chonaill, BÁC 1.

Tá Air Business Limited corpraithe i Sasana & sa Bhreatain Bheag agus feidhmíonn sé i Sasana & sa Bhreatain Bheag. Tá Post (NI) Limited corpraithe i dTuaisceart Éireann agus feidhmíonn sé i dTuaisceart Éireann. Tá An Post BV corpraithe san Ísiltír agus feidhmíonn sé san Ísiltír.

Tá gach gnóthas eile corpraithe i bPoblacht na hÉireann agus feidhmíonn siad i bPoblacht na hÉireann. Tá gach scarsheilbh comhdhéanta de gháth-scairchaipiteal.

Déanann Cuideachta Chrannchur Náisiúnta An Post an Crannchur Náisiúnta a fheidhmiú faoi cheadúnas ón Aire Airgeadais de réir fhorálacha an Achta um Chrannchur Náisiúnta, 1986. Tá 20% den scairchaipiteal atá eisithe faoi sheilbh ag an Aire Airgeadais.

Riarann The Prize Bond Company Limited an Scéim Duaisbhannaí faoi chonradh le Gníomhaireacht Bainistíochta an Chisteáin Náisiúnta.

Bainfidh na fochuideachtaí seo a leanas leas as díolúine comhadaithe atá ar fáil faoi Alt 17 d'Acht na gCuideachtaí (Leasú), 1986 ina ndéanfaidh siad ráitis airgeadais An Post a chur mar iarscibhinn lena dtuairisceáin bhliantúla:

Post Consult International Limited; Printpost Limited; Post.Trust Limited; JMC Van Trans Limited; Transpost Limited; Waldermar Limited; Precision Marketing Information Limited; Prince's Street Property Company Limited; An Post Billpost Processing Services Limited; An Post GeoDirectory Limited agus Kompass Ireland Publishers Limited.

25. Tiomántais Léasa

	2006			2005		
	Talamh & foirgnimh €'000	Eile €'000	Iomlán €'000	Talamh & foirgnimh €'000	Eile €'000	Iomlán €'000
Ba iad seo a leanas tiomántais bhliantúla faoi léasanna oibríochta dochealaithe:						
Grúpa						
Dul in éag laistigh de bhliain amháin	823	953	1,776	1,227	496	1,723
Dul in éag tar éis bliain amháin agus roimh cúig bliana	1,337	4,355	5,692	594	3,375	3,969
Dul in éag tar éis cúig bliana	5,000	64	5,064	5,298	-	5,298
	7,160	5,372	12,532	7,119	3,871	10,990
Cuideachta						
Dul in éag laistigh de bhliain amháin	691	935	1,626	636	432	1,068
Dul in éag tar éis bliain amháin agus roimh cúig bliana	407	4,167	4,574	506	3,250	3,756
Dul in éag tar éis cúig bliana	4,906	64	4,970	4,844	-	4,844
	6,004	5,166	11,170	5,986	3,682	9,668

Baineann tiomántais léasa eile le trealamh agus mótarfheithiclí.

Áirítear ar thiomántais léasa na Cuideachta tiomántais d'fhoghnóthais.

Ní raibh aon tiomántais léasa airgeadais ábharacha ann an 31 Nollaig 2006 ná cinn a bhí le tosú i ndiaidh an dáta sin.

26. Tiomántais Chaipitil

Seo a leanas caiteachas caipitil don todhchaí a cheadaigh stiúrthóirí ach nach soláthraíodh dó sna ráitis airgeadais:

	Grúpa		Cuideachta	
	2006 €'000	2005 €'000	2006 €'000	2005 €'000
Ar chonradh	7,855	3,501	7,855	3,501
Údaraithe ach gan a bheith ar chonradh	-	10,464	-	10,464
	7,855	13,965	7,855	13,965

Nótaí leis na Ráitis Airgeadais ar leanúint

27. Nochtadh Páirtithe Gaolmhara agus Páirtithe Rialaithe

An páirtí rialaithe

Rinne an tAire Cumarsáide, Mara agus Acmhainní Daonna, ag a bhfuil sealús ar scairchaipital eisithe iomlán An Post ach amháin gnáthscair amháin atá ag an Aire Airgeadais, rialú i rith na bliana ar an nGrúpa.

Idirbhearta le gnóthais bainteacha

Cuideachta Chrannchur Náisiúnta An Post

Soláthraíonn an Grúpa seirbhísí seachadta agus bainistíochta do Chuideachta Chrannchur Náisiúnta An Post, gnóthas nach bhfuil comhdhlúite. Comhlíontar na seirbhísí sin ar bhonn fad láimhe, nó nuair is cuí, de réir théarmaí an cheadúnais a cheadaigh an tAire Airgeadais chun an Crannchur Náisiúnta a fheidhmiú. Soláthraíonn an Chuideachta freisin seirbhísí gníomhaireachta do Chuideachta Chrannchur Náisiúnta An Post ina ndéanann An Chuideachta díolachán thar ceann An Post National Lottery Company agus ina n-íocann sí duaischistí thar ceann Chuideachta Chrannchur Náisiúnta An Post de réir na dtéarmaí caighdeáin, na gcoinníollacha agus na struchtúir luach saothair a bhaineann le gníomhairí ar fad Chuideachta Chrannchur Náisiúnta An Post. Áirítear i láimhdeachas an Ghrúpa don bhliain €5,363,000 (2005: €5,331,000) i ndáil le seirbhísí a soláthraíodh do Chuideachta Chrannchur Náisiúnta An Post. Tá táille bainistíochta de €2,844,000 (2005: €2,966,000) san áireamh anseo iníoctha don Chuideachta de réir théarmaí an cheadúnais chun an Crannchur Náisiúnta a fheidhmiú.

Déantar costas na foirne atá ag obair i gCuideachta Chrannchur Náisiúnta An Post a athmhúiriú ó An Post ag costas agus ba é an tsuim sin ná €5,660,000 don bhliain dar chríoch 31 Nollaig, 2006 (2005: €5,763,000).

Ba é an méid dlite ag Chuideachta Chrannchur Náisiúnta An Post don Chuideachta ná €819,000 an 31 Nollaig, 2006 (2005: €512,000).

Tá comhaontaithe ag An Post rathaíocht a dhéanamh ar fheidhmíocht Chuideachta Chrannchur Náisiúnta An Post ina oibleagáid faoi cheadúnas do shealbhú an Chrannchuir Náisiúnta arna dheonú ag an Aire Airgeadais. Tá an rathaíocht curtha ar fáil ag An Post, an t-uasdliteanas den tsuim €10 milliún, do thréimhse an cheadúnais go 31 Nollaig, 2010.

The Prize Bond Company Limited

Faoi théarmaí an chonartha le The Prize Bond Company Limited, comhlíonann an Chuideachta gnéithe áirithe de riarachán na Scéime Duaisbhannaí. I bhfoirm táillí do sheirbhísí den chineál sin thuill an Chuideachta €1,667,000 don bhliain dar chríoch 31 Nollaig, 2006 (2005: €1,720,000). Ba é an méid a bhí dlite ag The Prize Bond Company Limited don Chuideachta ná €165,000 an 31 Nollaig, 2006 (2005: €198,000).

Idirbhearta le ranna Rialtais agus le comhlachtaí Stáit eile

Soláthraíonn an Grúpa, i ngnáth-imeacht gnó, seirbhísí postais, gníomhaireachta, fócaíochta agus seirbhísí teachtaire do ranna Rialtais éagsúla agus do chomhlachtaí Stáit eile.

28. Teagmhais

Grúpa agus Cuideachta

Ní raibh aon dhliteanais theagmhasacha ná ráthaíochtaí ann an 31 Nollaig, 2006 óna bhfuiltear ag súil le caillteanais ábharacha seachas iad sin atá nochtaithe in áit éigin eile sna ráitis airgeadais.

29. Ceadú an Bhoird

Cheadaigh an Bord Stiúrthóirí na ráitis airgeadais an 22 Márta, 2007.

Achoimhre Airgeadais Cúig Bliana

Cuntas Brabúis & Cailteanais Comhdhlúite

	2006 €'000	2005 €'000	2004* €'000	2003* €'000	2002* €'000
Láimhdeachas	818,827	752,887	750,193	709,209	683,716
Costais Oibriúcháin	(804,162)	(736,690)	(748,422)	(752,100)	(701,112)
Brabús/(cailteanas) oibriúcháin	14,665	16,197	1,771	(42,891)	(17,396)
Dámhachtain phá aibhreachnaitheach**	(20,040)	-	-	-	-
Diúscairtí Sócmhainní	94,700	59,323	5,298	13,310	-
Athstruchtúró Gno	(13,883)	(40,000)	-	-	(52,500)
Sciar thorthaí comhfhiontair agus comhlaigh	-	-	(50)	(113)	(376)
Ioncam airgeadais eile	21,123	5,391	-	-	-
Brabús/(cailteanas) roimh chánachas	96,565	40,911	7,019	(29,694)	(70,272)

** Chun críche cur i láthair reachtúil cuntas, áirítear an dámhachtain phá aibhreachnaitheach seo agus brabús oibriúcháin grúpa á ríomh (féach nóta 4). Tá sí asbhainte chun críocho an sceidil thuas de bharr go mbaineann an dámhachtain phá le 2003 agus 2004.

Clár Comhardaithe Comhdhlúite

Sócmhainní dochta	196,197	216,275	248,079	279,513	301,305
Glan-sócmhainní reatha/(dliteanais)	205,034	115,903	18,357	(38,410)	(25,606)
Dlíteanais eile	(82,673)	(92,920)	(91,113)	(72,296)	(87,541)
Glan-sócmhainní gan dlíteanais pinsin san áireamh	318,558	239,258	175,323	168,807	188,158
Dlíteanais pinsin	(193,226)	(307,770)			
Glan-sócmhainní lena n-áirítear dlíteanais pinsin	125,332	(68,512)			
Caipiteal agus cúlchistí	125,332	(68,512)	175,323	168,807	188,158

Cóimheasanna

	2006	2005	2004*	2003*	2002*
Brabús/(cailteanas) oibriúcháin mar % den láimhdeachas	1.79%	2.15%	0.24%	(6.05%)	(2.5%)
Brabús/(cailteanas) oibriúcháin mar % de de mheánchistí scairsealbhóirí roimh dlíteanais pinsin	5.26%	7.81%	1.03%	(24.03%)	(7.79%)
Costas Foirne agus máistrí poist mar % de chostais oibriúcháin	69.40%	69.79%	67.13%	67.00%	68.59%
Sócmhainní reatha mar % de dhlíteanais reatha	214.25%	177.85%	111.97%	75.96%	83.03%

* Tá 2004 agus blianta roimhe sin mar a tuairiscíodh cheana faoi SSAP 24 – Cuntasaíocht do Chuntais Phinsin.

Staitisticí Oibriúcháin

Post

	2006	2005	2004	2003	2002
Innéacs príomhioncaim ó litreacha (2001 = 100) (nóta 1)	118.4	113.6	109.2	107.8	104.6

Nóta 1: Léiríonn an t-innéacs seo athruithe sa chroí-ioncaim ó litreacha agus níl ioncam ó thoghcháin, reifrinn, bunuithe, riaracháin choigríche ná an tionchar ó athruithe ar tharaifí foilsithe san áireamh gach bliain.

Méid an Chórais

	2006	2005	2004	2003	2002
Líon pointí seachadta (milliúin)	1.998	1.875	1.765	1.685	1.598
Líonra Oifigí Poist:					
Oifigí Poist Cuideachta	84	88	90	92	96
Fo-Oifigí Poist	1,277	1,321	1,365	1,417	1,584
Gníomhaireachtaí poist	171	161	159	149	86
	1,532	1,570	1,614	1,658	1,766
Áitribh chuideachta eile	65	63	62	62	58
An líon mótarfheithiclí	2,991	2,905	2,908	3,011	2,917

Pearsanra

	2006	2005	2004	2003	2002
(Líon foirne amhail an 31 Nollaig)					
Ceanncheathrú	551	562	567	588	675
Coigiltis/Seirbhísí Íocaíochta	286	295	299	327	340
Cigireacht	38	37	45	47	49
Fir Phoist/Mná Poist	4,207	4,326	4,520	4,680	4,722
Sórtálaithe Poist	1,369	1,197	1,313	1,281	1,215
Cléireacha Oifige Poist	1,024	1,042	1,094	1,126	1,145
Gráid eile	665	708	790	817	803
Sealadach	1,311	1,298	1,019	1,010	864
Iomlán d'fhoireann An Post	9,451	9,465	9,647	9,876	9,813
Iomlán d'fhoireann An Post (FTE) ¹	8,868	8,966	9,164	9,411	9,416
Foireann ócaídeach (FTE) ²	423	377	358	386	349
Uaire Ragoibre (FTE) ³	2,006	1,953	1,918	2,121	2,813
Uaire Ragoibre (FTE)	11,297	11,296	11,440	11,918	12,578
Fochuideachtaí	487	492	577	622	577
Máistrí Poist: Fostaithe mar ghníomhairí	1,277	1,321	1,365	1,417	1,584

1 FTE = Comhionannas Lánaimseartha

2 An Meán go Seachtainiúil

3 Uaire ragoibre comhshóite go bunuaire an Chomhionannais Lánaimseartha

Staitisticí Oibriúcháin ar leanúint

	2006 €m	2005 €m	2004 €m	2003 €m	2002 €m
LUACH NA GCISTÍ SEIRBHÍSE COIGILTIS					
AMHAIL AN 31 NOLLAIG (nóta 1)	5,863	5,668	5,311	5,004	4,794
CUNTAIR: Luach Gnó					
Seirbhísí Íocaíochtaí					
Orduithe Airgid Poist eisithe	418	422	496	564	619
Seirbhísí Coigiltis Oifig an Phoist					
Taisc bairc coigiltis	850	811	812	792	746
Aistarraingtí bairc coigiltis	807	638	645	621	590
Teastais choigiltis eisithe	469	400	417	347	217
Teastais choigiltis aisíochta	1,052	725	881	757	611
Coigiltis tráthchoda eisithe	97	78	72	67	63
Coigiltis tráthchoda aisíochta	114	104	131	134	147
Bannaí coigiltis eisithe	673	475	505	469	263
Bannaí coigiltis aisíochta	626	362	329	360	332
Pinsin, Liúntais agus Sochair Leasa Shóisialaigh					
Sochar Leanaí íochta	1,119	1,116	1,101	1,101	1,016
Sochar dífhostaíochta íochta	1,587	1,075	1,069	1,042	990
Pinsean Seanaoise Ranníocach íochta	1,577	1,225	1,195	1,140	1,083
Pinsin Baintrí/Díleachta íochta	900	865	815	766	726
Liúntais eile	1,900	2,341	2,228	2,167	2,060
Eile					
Ilghnéitheach	3,658	3,325	2,969	2,316	1,679
MÉIDEANNA ÍOC BILLÍ					
	25,510	24,777	23,329	21,238	17,533
DÍOLACHÁN AR CHEADÚNAIS TEILIFÍSE					
	1,339	1,273	1,241	1,176	1,167

Nóta 1: Tá sócmhainní agus dliteanais na Seirbhísí Coigiltis dílsithe don Aire Airgeadais agus, dá réir sin, níl siad san áireamh i ráitis airgeadais na Cuideachta.